

四庫全書

經部

欽定四庫全書

春秋左傳注疏卷二十七

起成公十一年
盡十五年

晉杜氏注 唐陸德明音義 孔穎達疏

經十有一年春王三月公至自晉注正月公在晉不書

諱見止疏

正義曰襄二十九年正月公在楚傳曰釋不朝正於廟也彼以踰年故書正月公在楚此

亦踰年不書正月公在晉者為諱見止故正月不以告廟案春秋上下公之在晉諱與不諱悉皆不書此言諱

見止者以此兼有諱義故詳之也宣五年傳公如齊高固使齊侯止公請叔姬焉夏公至自齊書過也注云公既見止連昏于鄰國之臣厭尊毀列累其先君而于廟行飲至之禮故書以示過宣七年公會晉侯云云于黑

壞傳稱晉侯以公不朝又不聘止公于會不與公盟八年公至自會注云義與五年書過同此亦見止還而告至杜不言義與書過同者公實不貳于楚晉以無罪止公非所當諱故依法告至然則正月諱不告者正月公猶被執守臣若其告廟當云公被晉執故諱而不告公還不以為耻故告至耳

晉侯使卻曄來聘己丑及卻曄盟注卻曄卻克從父兄

弟音義

曄反

疏

正義曰案世本卻豹生冀芮芮生缺缺生克也又云豹生義義生步揚揚生州

州即曄也如彼文則曄與克俱是豹之曾孫當為從祖昆弟服虔以為從祖昆弟杜云從父昆弟或父當是祖

耳字誤

夏季孫行父如晉

秋叔孫僑如如齊音義

僑其驕反

冬十月

傳十一年春王三月公至自晉晉人以公為貳於楚

故止公公請受盟而後使歸注前年七月公如晉弔

至是乃得歸○郤犇來聘且泣盟注公請受盟故使

大夫來臨之音義

泣音利又音類

○聲伯之母不聘注聲伯

之母叔肸之妻不聘無媒禮音義

聘本亦作媵四政反肸許乙反媒亡

回穆姜曰吾不以妾為姒注昆弟之妻相謂為姒穆

姜宣公夫人宣公叔肝同母昆弟音義

似音疏曰正義

人多疑娣如之名皆以為兄妻呼弟妻為娣弟妻呼兄妻為娣因即慈于傳文不知何以為說今謂母婦之號隨夫尊卑娣如之名從身長幼以其俱來夫族其夫班秩既同尊卑無以相加遂從身之少長喪服小功章曰娣如婦報傳曰娣如婦者弟長也以弟長解娣如言娣是弟如是長也公羊傳亦云娣者何弟也是其以弟解娣自然以長解娣如長謂身之年長非夫之年長也釋親云長婦謂稚婦為娣娣謂長婦為娣婦止言婦之長稚不言夫之大小今穆姜謂聲伯之母為娣昭二十八年傳叔向之嫂謂叔向之妻為娣二者皆呼夫弟之妻為娣豈計夫之長幼乎釋親文云女子同出謂先生為娣後生為娣孫炎云同出謂俱嫁事一夫也事一夫者以己生先後為娣如則知娣如以己之年非夫之年也故賈逵鄭玄及此注

皆云兄弟之妻相謂為妯言兩人相謂謂
長者為妯知娣妯之名不計夫之長幼也 生聲伯而

出之嫁於齊管于奚生二子而寡以歸聲伯聲伯以

其外弟為大夫注外弟管于奚之子為魯大夫而嫁

其外妹於施孝叔注孝叔魯惠公五世孫卻犖來聘

求婦於聲伯聲伯奪施氏婦以與之婦人曰烏獸猶

不失儷注儷耦也音義

儷力疏正義曰禮謂兩皮為
計反儷皮儷兩也故為耦

子將若何曰吾不能死亡注言不與卻犖婦懼能忿

致禍婦人遂行生二子於卻氏卻氏亡晉人歸之施

氏施氏逆諸河沈其二子注沈之於河音義

沈徐直陰反注

同一音如字

婦人怒曰已不能庇其伉儷而亡之注伉敵

也音義

已音以又音紀庇必利反又音秘伉苦浪反

疏

正義曰伉者相當之言故為敵也伉

儷者言是相敵之匹耦

又不能字人之孤而殺之注字愛也將

何以終遂誓施氏注約誓不復為之婦也傳言卻驪

淫縱所以亡也音義

復扶又反下文注復出皆同

○夏季文子如

晉報聘且泣盟也注卻驪文子交盟魯晉之君其意

一也故但書來盟舉重畧輕疏

正義曰晉臣來盟於魯魯臣往盟於晉俱

是相要其意一也意既同矣可書一以包二宜舉重而畧輕遣使為輕君親為重故卻犇書聘又書盟文子直書如晉畧言其聘而已衛冀隆難以為他卿來敵魯君春秋所諱魯卿出敵外國顯書名氏則應卻犇來盟為輕行父盟晉為重今書卻犇之盟則是舉輕畧重何得云舉重畧輕蘓氏釋云所言輕重者自謂魯之君臣臣盟為輕君盟為重二國各稟君命奉使而行非關敵公之義其意不同不得相難 ○

周公楚惡惠襄之偏也注惠王襄王之族音義

惡烏路反

且與伯與爭政注伯與周卿士音義

伯與音餘本亦作與

不勝

怒而出及陽樊注陽樊晉地王使劉子復之盟於鄆而入三日復出奔晉注王既復之而復出所以自絕

於周為明年周公出奔傳鄆周邑音義

鄆音絹

○秋宣

伯聘于齊以脩前好注韋以前之好音義

好呼報反注同

○

晉卻至與周爭鄆田注鄆溫別邑今河內懷縣西南

有鄆人亭音義

鄆音侯字林音候鄆人本又作候人如字

王命劉康公單

襄公訟諸晉卻至曰溫吾故也故不敢失注言溫卻

氏舊邑音義

單音善

疏

正義曰鄆是溫之別邑本從溫內分出溫屬晉鄆屬周溫是卻

氏舊邑鄆氏既已歸溫則謂從溫而分出者亦宜從溫而屬鄆氏故鄆至爭之則劉子單子之言襄王勞文公而賜之溫于時鄆已分矣賜晉以溫不賜以鄆也狐氏陽氏先處溫邑于時亦不得鄆鄆本未嘗屬

晉故為王官之邑

劉子單子曰昔周克商使諸侯撫封注各

撫有其封內之地蘓忿生以溫為司寇與檀伯達封

于河注蘓忿生周武王司寇蘓公也與檀伯達俱封

於河內音義

檀徒丹反

疏

正義曰尚書立政云周公若曰太史司寇蘓公此傳與彼俱言

蘇公為司寇朋是一人此言克商即為司寇是為武王司寇

蘇氏即狄又不能於

狄而奔衛注事在僖十年襄王勞文公而賜之溫注

在僖二十五年音義

勞力報反

狐氏陽氏先處之注狐漆

陽處父先食溫地音義

漆側巾反

而後及子若治其故則

王官之邑也子安得之晉侯使卻至勿敢爭注傳言

卻至貪所以亡○宋華元善於令尹子重又善於欒

武子聞楚人既許晉糴棧成而使歸復命矣注在往

年音義華戶化反冬華元如楚遂如晉合晉楚之成注為

明年盟宋西門外張本○秦晉為成將會于令狐晉

侯先至焉秦伯不肯涉河次於王城使史顓盟晉侯

于河東注史顓秦大夫音義令力丁反晉卻曄盟秦

伯于河西注就盟王城范文子曰是盟也何益齊盟

所以質信也注齊一心質成也會所信之始也始之
不從其可質乎秦伯歸而背晉成注為十三年伐秦

傳音義

背音佩卷
內背同

經十有二年春周公出奔晉

夏公會晉侯衛侯于瑣澤注瑣澤地闕音義

瑣素
果反

秋晉人敗狄于交剛注交剛地闕

冬十月

傳十二年春王使以周公之難來告注周公奔在前

年晉義

難乃旦反

書曰周公出奔晉凡自周無出周公自

出故也

注天子無外故奔者不言出周公為王所復

而自絕于周故書出以非之疏

正義曰凡言出者謂出其封內天子以天

下為家本無出封之理以無外之故雖有出奔之人史策皆不言出昭二十六年尹氏召伯毛伯以王子朝奔楚實出而不言出是其事也襄王蔽于匹夫之孝不顧天下之重故書云出居于鄭此周公王既復之而又自出故書云出奔是不應言出而言出皆所以罪責之也鄭玄答孫皓曰凡自周無出者周無放臣之法罪失者刑之小則宥之以為實無出法案書流宥五刑則宥者流之非不出也舜放四罪投之四裔安得不出幾乎若如周禮無流放之文即云周無放臣之法禮三諫不從待放于郊然則周臣三諫不

從終是不蒙王放欲令諫者何所措身左傳發凡自是書策之例因即以為周制謂其實無出者執文害

意為蔽何甚

○宋華元克合晉楚之成注終前年事夏五

月晉士燮會楚公子罷許偃注二子楚大夫音義

罷音

皮癸亥盟於宋西門之外曰凡晉楚無相加戎好惡

同之同恤菑危備救凶患若有害楚則晉伐之在晉

楚亦如之交贄往來道路無壅注贄幣也音義

好惡竝如

字又上呼報反下烏路反菑音災贄本又作摯之二反壅於勇反

疏

正義曰傳言交贄往來謂聘使

來去也聘禮賓執圭以通命執幣以致享故知贄是幣謂聘享之幣也

謀其不協而討

不庭注討背叛不來在王庭者有渝此盟明神殛之

注殛誅也音義

渝羊朱反殛本作極紀力反注同

俾隊其師無克昨

國注俾使也隊失也音義

俾本亦作卑必爾反隊直類反注同昨才故反鄭

伯如晉聽成注聽猶受也晉楚既成鄭往受命會于

瑣澤成故也注晉既與楚成合諸侯以申成好音義

好呼報反
盡年皆同

○狄人間宋之盟以侵晉而不設備音義

間宋間
前之間

秋晉人敗狄于交剛○晉郤至如楚聘且泣

盟楚子享之子反相為地室而縣焉注縣鐘鼓也音

義

相息亮反縣音玄注同

郤至將登注登堂金奏作於下注擊

鐘而奏樂疏

正義曰作樂謂之奏奏樂先擊鐘故周禮大司樂樂師每事皆云令奏鐘鼓以

鐘先擊故先言鐘也鐘以金為之謂之金奏故鐘師掌金奏鄭玄云金奏擊金以為奏樂之節金謂鐘及鑄也鄭玄燕禮注云以鐘鑄播之鼓磬應之所謂金奏也是金為奏節之初故傳言金奏作于下作樂先擊鐘故注云擊鐘而奏樂也禮記仲尼燕居云兩君相見入門而縣興升堂而樂闋郊特牲曰賓入大門而奏肆夏示易以敬也鄭玄云賓朝聘者朝聘連言之則燕享朝賓聘客皆入門即奏樂矣其實朝賓入門而奏樂聘客則至庭乃奏樂此郤至將登堂始奏樂者縣當在庭而楚之為地室而縣待客將登乃奏皆所以見異故欲以驚賓矣燕享聘客皆當入門奏肆夏若燕已之羣臣則有王事之勞者乃得以樂納

賓其常燕惟有升歌間合而已無納賓之樂也故燕禮記云若以樂納賓則賓及庭奏肆夏鄭玄云卿大夫有王事之勞者則奏此樂焉是燕已之臣無王事之勞者不以樂納賓也

驚而走子

反曰日云莫矣寡君須矣吾子其入也賓曰君不忘

先君之好施及下臣貺之以大禮重之以備樂注貺

賜也音義

莫音暮本亦作暮施以鼓反重直用反

疏

正義曰卒聞地下鍾聲出其不意故

驚而走走出其出實為驚怖因即飾辭辭樂言己不敢當大禮臣其驚走之意

如天之福兩

君相見何以代此下臣不敢注言此兩君相見之禮

疏

正義曰仲尼燕居云兩君相見入門而縣興是賓入門作樂為兩君相見之禮也而燕禮雖燕聘問

之賓以燕己臣為主而云若以樂納賓燕己之臣尚
有以樂納賓之法則燕享聘客必以樂納賓矣故鄭
玄郊特牲注云賓朝聘者朝聘拉言則君臣同樂
卻至不敢同君故以之為辭耳非謂禮不得也 子

反曰如天之福兩君相見無亦唯是一矢以相加遺

焉用樂注言兩君戰乃相見無用此樂音義

遺唯季反焉於

虔疏

正義曰子反意言晉楚並是大國不肯相朝唯
戰乃相見其相見之時唯當用是一矢以相加

陵相遺與耳無
為用此樂也

寡君須矣吾子其入也賓曰注傳諸

交讓得賓主辭者多曰賓主以明之疏

正義曰知傳
諸交讓得賓

主辭多曰賓主者此傳每稱卻至為賓文十二
年傳稱西乞術為賓并稱主人曰之類是也

若讓

之以一矢禍之大者其何福之為世之治也諸侯間
於天子之事則相朝也注王事間缺則脩私好音義
治直吏反下注治
世同間音閑注同於是乎有享宴之禮享以訓共儉

注享有體薦設几而不倚爵盈而不飲肴乾而不食

所以訓共儉音義

享許丈反舊又許亮反本亦作饗
宴於見反徐於顯反倚於綺反

疏

正義曰享有體薦宣十六年傳文也設几而不倚
爵盈而不飲昭五年傳文也禮聘義記曰聘之禮

至大禮也酒清人渴而不敢飲也肉乾人饑而不敢
食也彼言聘禮即是享聘賓之禮此事皆所以教訓

恭儉也

宴以示慈惠注宴則折俎相與共食音義

折設反之

疏

正義曰宣十六年傳云宴有折俎宴則節折其共肉升之于俎相與共啗食之所以表示慈惠也

儉以行禮而慈惠以布政政以禮成民是以息百官

承事朝而不夕注不夕言無事音義

朝直遙反朝日朝徐音朝旦之

朝疏

正義曰旦見君謂之朝莫見君謂之夕哀十四年傳稱子我夕晉語稱叔向夕皆謂夕見君也

人息事少故百官承奉職事皆朝朝而莫不夕不夕言無事也此公侯之所以扞城

其民也注扞蔽也言享宴結好鄰國所以蔽扞其民

音義

扞戶反

疏

正義曰扞者扞禦寇難故為蔽也言燕享結好與鄰國通和甲兵不興人得安

息所以蔽扞其民若如城然故云所以扞城其民也

故詩曰赳赳武夫公侯干

城注詩周南之風赳赳武貌干扞也言公侯之與武

夫止于扞難而已音義

赳居黠反一音居醜反難乃旦反干戶旦反本亦作扞又

如字疏

正義曰詩周南兔置之篇言兔置之人亦是賢者其人乃是赳赳然雄武之夫與公侯共

扞城其民也引詩之意言世治無事公侯之與武夫設共儉慈惠之禮與人扞難而已不侵伐他國也干

扞釋言文

及其亂也諸侯貪冒侵欲不忌爭尋常以盡其

民注八尺曰尋倍尋曰常言爭尺丈之地以相攻伐

音義

冒莫報反又亡北反

疏

正義曰周禮考工記云人長八尺又長尋有四尺崇于人四尺車戰

常崇于受四尺是八尺曰尋倍尋曰常喻其少故言爭尺丈之地以相攻伐盡殺其民孟子曰爭城以戰

殺人盈城爭地以戰殺人盈野是謂盡殺其民也

略其武夫以為己腹心股

肱爪牙注略取也言世亂則公侯制禦武夫以從己

志使侵害鄰國為搏噬之用無己音義

搏音博噬市制反

疏

正義曰武夫有武能為人之扞蔽世治則公侯同于武夫同其腹心相與扞己民而已不侵犯他人也世亂則使武夫同于公侯其公侯欲得拓竟寬土則制禦武夫以從己志使武夫為己腹心股肱爪牙令之使害鄰國搏噬也噬齧也犬能搏噬譬之于犬為搏噬之用無己時也

故詩曰赳赳武

夫公侯腹心注舉詩之正以駁亂義詩言治世則武

夫能合德公侯外為扞城內制其腹心音義

駁邦角反疏

正義曰此亦免置之篇美賢人之事而引之以證世亂故辭之此舉詩之正以駁世亂之義詩言治世則武夫能合德公侯外則扞城其民內則制其腹心也以其人心則本貪縱之則害物矣美公侯能以武夫制己腹心自守扞難而已不害人也

天下有道則公侯能為民干城而

制其腹心亂則反之注畧其武夫以為己腹心爪牙

音義

能為于偽疏正義曰天下有道之時則公侯能反又如字疏為扞城禦難而使武夫制其己之

腹心不侵犯他國也亂則反之不復扞蔽己民乃以武夫從己腹心將武夫為股肱爪牙以侵害他國是反治世也晉楚世為仇敵常有相害之心子反言一矢相加仍懷戰鬪之意故卻至言世治則自守世亂則相侵答上一矢之言冀得久為和好故說此也

今吾子之言亂之道也不

可以為法然吾子主也至敢不從遂入卒事歸以語

范文子文子曰無禮必食言吾死無日矣夫注言晉

楚不能久和必復相伐為十六年鄢陵戰張本音義

語魚據反夫音扶本亦無此字復扶

疏正義曰以一

又反鄢謁晚反漢書音義一建反

矢為辭是無

禮也食言是其將背盟也背

盟必相伐故為死亡無日矣

冬楚公子罷如晉聘且

泣盟注報卻至十二月晉侯及楚公子罷盟于赤棘

晉地
經十有三年春晉侯使卻錡來乞師注將伐秦也侯伯

當召兵而乞師謙辭音義

綺反疏

正義曰晉雖是侯伯

或容辭說言乞則不得不與釋例曰乞師者深求過理之辭執謙以逼成其計是解乞為謙意

三月公如京師注伐秦道過京師因朝王音義

反過又古

卧疏

正義曰公本為伐秦道過京師因往朝王不稱朝而言公如京師者以明公朝于王所王不在京師

故指言王所據王言之不得不稱朝此則王在京師京師是國之總號不斥王身不可稱朝故依尋常朝聘鄰

國之文稱如而已劉炫云魯朝聘皆言如不果彼國必成其禮或在道而還如者書其始發言往而已言公朝

王所者發國不為朝王至彼過王朝之朝訖乃書故稱朝也此過京師亦直稱朝言如者發雖主為伐秦即有

朝王之意書其初發故言如也

夏五月公自京師遂會晉侯齊侯宋公衛侯鄭伯曹伯
邾人滕人伐秦

曹伯廬卒于師注五同盟音義

廬本亦作廬力吳反

疏

正義曰廬以宣十五

年即位十七年盟于斷道成二年于袁婁又于蜀五年于蟲牢七年于馬陵九年于蒲凡六同盟不數宣公斷道為五

秋七月公至自伐秦注無傳

冬葬曹宣公

傳十三年春晉侯使卻錡來乞師將事不敬注將事

致君命孟獻子曰郤氏其亡乎禮身之幹也敬身之

基也郤子無基疏

正義曰幹以樹木為喻基以牆屋為喻樹木以本根為幹有幹故枝

葉茂焉牆屋以下土為基有基乃牆屋成焉人身以禮敬為本必有禮敬身乃得存郤子無基則亦無幹但言有所拘不復得言幹耳且先君之嗣卿也受命以求師將社

稷是衛而情棄君命也不亡何為注郤錡郤克子故

曰嗣卿為十七年晉殺郤錡傳音義

情徒卧反

○三月公

如京師宣伯欲賜注欲王賜也請先使王以行人之

禮禮焉注不加厚音義

使所吏反

孟獻子從王以為介而

重賄之注介輔相威儀者獻子相公以禮故王重賄

之音義

從才用反介音界相息亮反下同

疏

正義曰周語簡王八年魯成公來朝使叔孫僑

如先聘且告見王孫說與之語說言于王曰魯叔孫之來有異焉其幣薄而言詒殆請之也若請之必欲賜也且其狀方上而銳下宜觸冒人主其勿賜若貪陵之人來而盈願是賞不善也且財不給王使私問諸魯魯人云請之也王遂不賜禮如行人孔晁云行人使人也以使人之禮禮之不從聘者之賜禮也又曰魯侯至仲孫蔑為介王孫說與之語說讓說以語王王厚賄之公及諸侯朝王遂

從劉康公成肅公會晉侯伐秦注劉康公王季子劉

成二公不書兵不加秦成子受賑于社不敬注賑宜

社之肉也盛以脰器故曰脰宜出兵祭社之名音義

脰市軫反疏正義曰宜者祭社之名脰是盛肉之器盛音成受脰于社受祭社之胙肉也周禮掌蜃

祭祀共蜃器之蜃鄭玄云飾祭器之屬也春秋定十四年秋天王使石尚來歸脰脰之器以蜃飾因名焉

鄭衆云脰可以白器令色白是盛以脰器故曰脰也既言宜社又自解宜名釋天云起大事動大衆必先

有事乎社而後出謂之宜孫炎曰有事祭也宜求見祐也是宜者出兵祭社之名劉子曰吾

聞之民受天地之中以生所謂命也是以有動作禮

義威儀之則以定命也能者養之以福注養威儀以

致福不能者敗以取禍是故君子勤禮小人盡力勤

禮莫如致敬盡力莫如敦篤故在養神篤在守業國

之大事在祀與戎祀有執膳注膳祭肉音義

盡津忍反下同

膳音 疏

正義曰詩詠祭祀之禮云為俎孔碩或膳或燔祭肉有燔而薦者

燔謂祭肉為膳也

我有受膃神之大節也注交神

之大節今成子惰棄其命矣注惰則失中和之氣其

不反乎注為成肅公卒于瑕張本 疏

正義曰天地之中謂中和之氣

也民者人也言人受此天地中和之氣以得生育所謂命也命者教命之意若有所稟受之辭故孝經說云命者人之所稟受度是也命雖受之天地短長有本順理則壽考逆理則夭折是以有動作禮義威儀

之法則以定此命言有法則命之長短得定無法則夭折無恒也故人有能者養其威儀禮法以往適于福或本分之外更得延長也不能者敗其威儀禮法而身自取禍或本分之內仍有減割也為其求福畏禍之故君子勤禮以臨下小人盡力以事上勤禮莫如臨事致敬盡力莫如用心敦篤敬之所施在于養神朝廷百官事神必敬篤在守業草野四民勿使失業也國之大事在祀與戎宗廟之祀則有執牐兵戎之祭則有受脰此是交神之大節也今成子受脰而情是自棄其命矣死必在近此行其不得反乎爾之往也養之以福謂將身向福也敗以取禍謂禍及身也福則人之所欲作往就之辭也禍則人之所惡作自來之語也敬則所施有處故言致敬也厚則唯在己身無所可致故重言敦篤也執牐受脰俱是于祭未度而執之互相見也劉炫云命者冥也言其生育之性得之于冥兆也○夏四月戊午

晉侯使呂相絕秦曰注呂相魏錡子蓋口宣己命音

義

反相息亮注同

昔逮我獻公及穆公注晉獻公秦穆公音

義

逮音代一音大計反

相好戮力同心疏

正義曰孔安國以戮力為陳力以論語有

陳力就列故也戮力猶言勉力努力耳

申之以盟誓重之以昏姻注穆

公夫人獻公之女音義

好呼報反下同戮力相承音六嵇康力幽反呂靜字韻與

颺同字林音遠

天禍晉國文公如齊惠公如秦注辟驪姬也

不言狄梁舉所恃大國音義

辟音避驪力知反

無祿獻公即

世穆公不忘舊德俾我惠公用能奉祀於晉注僖十

年秦納惠公音義

俾本或作卑必兩反下及注同

又不能成大勲而

為韓之師注僖十五年秦伐晉獲惠公疏

正義曰言秦既納惠

公又不能遂成大功而復伐晉為此韓之師也下云亦悔于厥心謂秦悔伐晉也

亦悔于厥

心用集我文公注集成也是穆之成也注成功于晉

文公躬擐甲胄跋履山川注草行為跋音義

擐音患胄直又

反跋蒲末反

踰越險阻征東之諸侯虞夏商周之亂而朝

諸秦則亦既報舊德矣鄭人怒君之疆場我文公帥

諸侯及秦圍鄭注晉自以鄭貳于楚故圍之鄭非侵

秦也晉以此誣秦事在僖三十年音義

疆居良反

秦

大夫不詢於我寡君擅及鄭盟注詢謀也盟者秦伯

謙言大夫音義

詢思巡反
擅市戰反

諸侯疾之將致命於秦注

致死命而討秦時無諸侯蓋諸侯遙致此意疏

正義曰劉

炫以為誣秦今知不然者凡誣秦者謂加之罪傳辭

少畧者可得稱誣今傳云諸侯疾之將致命于秦文

公恐懼綏靜諸侯又云我有大造于西傳文既詳明

諸侯寔有此意若無諸侯何得稱為大造且秦師襲

鄭鄭亦疾秦此則諸侯之義也

劉

文公恐懼綏靜諸

以為寔無諸侯而規杜過非也

侯秦師克還無害則是我有大造於西也注造成也

言晉有成功于秦音義

忍曲勇反

無祿文公卽世穆為不

弔注不見弔傷疏

正義曰曲禮云知生者弔知死者傷知生而不知死弔而不傷知死

而不知生傷而不弔鄭玄云人恩各施于所知弔傷皆謂致命辭也雜記諸侯使人弔辭曰寡君聞君之喪寡君使某如何不淑此施于生者傷辭未聞也說者有衍弔辭云皇天降災子遭罹之如何不淑此施于死者蓋傷辭畢退皆哭是弔傷之事蔑死我君寡我襄公注寡弱也

音義

死我君本或以我字在死上

疏

正義曰輕蔑文公以為死無知矣謂襄公寡弱而陵忽之

迭我殺地奸絕我好伐我保城殄滅我費滑注伐保

城誣之費滑滑國都于費今緱氏縣音義

迭直結反徐音逸散

戶交反奸音干費扶味疏正義曰奸亂斷絕不復與反滑于八反繼古侯反我和好也注正義曰伐我

涑川俘我王官傳皆無文今謂此為誣者于時輕行襲鄭不得在道用兵故知此伐保城是誣之也春秋

之時更無費國秦惟滅滑不滅費知費即滑也國都于費國邑並舉以圖文耳散離我兄弟

撓亂我同盟注滑晉同姓音義撓乃卯反徐許高反傾覆我國

家我襄公未忘君之舊勲注納文公之勲音義覆孚服反

下同而懼社稷之隕是以有殺之師注在僖三十三年

音義隕于敏反下同猶願赦罪於穆公注晉欲求解于秦穆

公弗聽而卽楚謀我天誘其衷成王隕命注秦使鬬

克歸楚求成事見文十四年文元年楚弑成王音義

見賢疏正義曰文十四年傳云初鬬克囚于秦秦有

過反殺之敗使歸求成僖三十三年秦敗于殽文

元年楚弑成王故謀不成也穆公是以不克逞志于我注逞快也

音義逞勅穆襄即世康靈即位注文六年晉襄秦穆

皆卒康公我之自出注晉外甥又欲闕剪我公室傾

覆我社稷帥我蝥賊以來蕩搖我邊疆注蝥賊食禾

稼蟲名謂秦納公子雍音義闕其月反徐如字蝥賊

蝥食節

疏

正義曰釋蟲云食根蝥食節賊是食禾稼

為賊

之蟲也納雍害晉若蝥食禾然彼晉自召

雍非秦
罪也

我是以有令狐之役注在文七年康猶不悛

入我河曲注悛改也音義

悛七
全反

伐我涑川俘我王官

注涑水出河東聞喜縣西南至蒲坂縣入河音義

涑
徐

息錄反又音速字
林同俘芳夫反

翦我羈馬我是以有河曲之戰注

在文十二年東道之不通則是康公絕我好也注言

康公自絕故不復東通晉音義

復扶
又反

及君之嗣也注

君秦桓公我君景公引領西望曰庶撫我乎注望秦

撫恤晉君亦不惠稱盟注不肯稱晉望而共盟音義

稱尺證
反注同

利我有狄難注謂晉滅潞氏時音義

難乃
旦反入

我河縣焚我箕部芟夷我農功注夷傷也音義

箕音
基一

音其部古報反芟所銜
反夷本亦作瘼音夷

虔劉我邊陲注虔劉皆殺也

疏

正義曰劉殺釋詁文方言云
虔殺也重言殺者亦圓文耳

我是以有輔氏之聚

注聚衆也在宣十五年音義

聚才喻
反注同

疏

正義曰謂聚
衆以拒秦也

以上有殺之師今狐之後河曲之戰不用
重文故變文言聚古人為文亦有辟耳

君亦悔禍

之延注延長也而欲徼福于先君獻穆注晉獻秦穆

音義

徵古
堯反

使伯車來命我景公曰注伯車秦桓公子

吾與女同好棄惡復脩舊德以追念前勲言誓未就
景公卽世我寡君是以有令狐之會注令狐會在十

一年申厲公之命宜言寡人稱君誤也音義

女音汝下文皆

同好呼報反一音如字復音服又扶又反寡君讀者亦作寡人

疏

正義曰劉炫以為臣之出使自稱已

君皆曰寡君今呂相雖奉君兼有已語稱寡君正是其理杜何知宜為寡人稱君為誤今刪定知劉說非者以呂相奉厲公之命而往絕秦則皆是厲公之言不得兼有已語案隱十一年鄭伯告許大夫云假手于我寡人今呂相稱厲公之命還與自稱無異亦當云我寡人故知稱君為誤劉以稱寡君為是以規杜過非也

君又不祥注祥善也背棄盟誓白狄及君同州

注及與也疏

正義曰周禮職方氏正西曰雍州其川涇汭其浸渭洛皆秦地也正北曰并州

其澤藪曰昭餘祁其川虜池嘔夷皆晉地也是秦屬雍而晉屬并白狄蓋狄之西偏屬雍州也君之

仇讎而我之昏姻也注季隗膚咎如赤狄之女也白

狄伐而獲之納諸文公音義

隗五罪反膚在良反咎音羔

疏正義曰三

年晉衛伐膚咎如傳曰討赤狄之餘焉知咎如是亦狄也文公所奔之狄不言赤白以其伐赤不應赤自

相伐知白狄伐之也其女雖是赤狄之種而由白狄以納文公得以白狄為昏姻也且此辭多誣欲親狄

以曲秦故引狄為昏姻耳晉人自數伐狄寧復顧昏姻也杜以傳有季隗之事引之以證昏姻未必晉于

無昏姻處君來賜命曰吾與女伐狄寡君不敢顧昏姻

畏君之威而受命於吏君有二心於狄曰晉將伐女

狄應且憎是用告我注言狄雖應答秦而心寔憎秦

無信音義

應應對之應

楚人惡君之二三其德也亦來告

我曰秦背令狐之盟而來求盟于我昭告昊天上帝

秦三公楚三王注三公穆康共三王成穆莊音義

惡鳥

路反下同昊戶老反共音恭

疏

正義曰禮諸侯不得祭天其盟不主天神鄭玄覲禮注云巡守之盟

其神主曰諸侯之盟其神主山川衮十一年亳城北之盟其載書云司慎司盟名山川注云二司天神唯告天之別神不告昊天上帝此秦楚為盟告天帝者春秋之時不能如禮且此辭多誣未必是實晉與

諸國結盟皆不告昊天上帝何由秦楚獨敢告
之蓋欲示楚人恨秦之深言其所告處重耳
曰余

雖與晉出入注出入猶往來余唯利是視不穀惡其
無成德是用宣之以懲不壹諸侯備聞此言斯是用

痛心疾首暱就寡人注疾亦痛也暱親也音義

懲直升反

暱女乙反

疏

正義曰楚道秦人用心不壹其盟不足與固宣示諸侯以懲創不壹之人

寡人帥

以聽命唯好是求君若惠顧諸侯矜哀寡人而賜之
盟則寡人之願也其承寧諸侯以退注承君之意以

寧靜諸侯豈敢徼亂注徼要也音義

要一遙反

君若不施

大惠寡人不佞其不能以諸侯退矣敢盡布之執事

俾執事實圖利之注俾使也疏

正義曰服虔云佞才也不才者自謙之辭

也論語云焉用佞禦人以口給屢憎于人則佞非善事而以不佞為諛者佞是口才捷利之名本非善惡之稱但為佞有善有惡耳為善敏捷是善佞為惡敏捷是惡佞但君子欲訥于言而敏于行言之雖多情或不信故云焉用佞耳

秦桓公既與晉厲公為令狐之盟而又

召狄與楚欲道以伐晉諸侯是以睦於晉注晉辭多

誣秦故傳據此三事以正秦罪音義

道音

晉欒書將

中軍荀庚佐之注庚代荀首音義

將子匠反凡將某軍者放此以意求

之士燮將上軍注代荀庚卻錡佐之注代士燮韓厥

將下軍注代卻錡荀瑩佐之注代趙同趙旃將新軍

注代韓厥音義然旗之反卻至佐之注代趙括卻縠御戎

欒鍼為右注卻縠卻至弟欒鍼欒書子音義其鍼反孟

獻子曰晉帥乘和師必有大功注帥軍帥乘車士音

義帥所類反乘繩證反注同五月丁亥晉師以諸侯之師及秦師

戰於麻隧秦師敗績獲秦成差及不更女父注不更

秦爵戰敗績不書以為晉直秦曲則韓役書戰時公

在師復不須告克獲有功亦無所諱蓋經文闕漏傳

文獨存音義

更音庚女音汝復扶又反疏正義曰秦之官

爵有此不更之名知女父是人之名字不更是官爵之號漢書稱商君為法于秦戰斬一首者賜爵一級其爵名一為公士二上造三簪褭四不更五大夫六公大夫七官大夫八公乘九五大夫十左庶長十一右庶長十二左更十三中更十四右更十五上造十六大上造十七駟車庶長十八大車庶長十九關內侯二十徹侯商君者商鞅也秦孝公之相封于商號為商君案傳此有不更女父襄十一年有庶長鮑庶長武春秋之世已有此名蓋後世以漸增之商君定為二十非是商君盡新作也其名之義難得而知耳傳言戰敗而經不書杜以意測之不知其故欲以為秦曲晉直不以曲者敵直故不書戰則僖十五年

韓之戰秦直晉曲書戰于韓也欲以為不告故不書當時公親在師復不須告也欲以為無功諱負則克獲有功亦無所諱也再三揆度不識所以故云蓋經文闕漏傳文獨存也經文依史官策書策書所無故經文遂闕也傳文抹于簡牘簡牘先有故傳文獨存也

曹宣公卒于師師遂濟

涇及侯麗而還注涇水出安定東南徑扶風京兆高

陸縣入渭也音義徑音經麗力馳反疏正義曰釋例曰涇水出安定朝那縣西東

南經新平扶風至京兆高陸縣入渭迂晉侯于新楚注迂迎也既戰晉

侯止新楚故師還過迎之麻隧侯麗新楚皆秦地音

義迂本又作訝五嫁反疏正義曰經書公會晉侯齊侯宋公衛侯鄭伯曹伯邾人滕人伐秦是伐時

諸侯親行也傳云晉師以諸侯之師及秦師戰則知諸侯不親行也蓋皆別次以待之新楚當是晉侯次之處也以傳不言其次晉侯或聞戰勝而移次故云止新楚也

成肅公卒於瑕注終

劉子之言瑕晉地○六月丁卯夜鄭公子班自訾求

入于大宮不能殺子印子羽注訾鄭地大宮鄭祖廟

十年班出奔許今欲還為亂子印子羽皆穆公子音

義

班本亦作般同訾子斯反大音泰下同印一刃反

反軍于市己巳子駟帥

國人盟于大宮注子駟穆公子遂從而盡焚之注焚

燒也殺子如子駟孫叔孫知注子如公子班子駟班

弟孫叔子如子孫知子駝子音義

駝武疏正義曰子
邦反疏如即是子

班據傳可知以外無文見其同時
被殺必是近親相傳為此說耳

○曹人使公子負

芻守使公子欣時逆曹伯之喪注二子皆曹宣公庶

子音義

芻初俱反守手又反欣時如字徐云或
作款亦音欣案公羊傳作喜如宜音忻

秋負

芻殺其太子而自立也注宣公太子諸侯乃請討之

晉人以其役之勞請俟他年冬葬曹宣公既葬子臧

將亡注子臧公子欣時國人皆將從之注不義負芻

故成公乃懼注成公負芻告罪且請焉注請留子臧

乃反而致其邑注還邑於成公為十五年執曹伯傳
經十有四年春王正月莒子朱卒注無傳九年盟于蒲
夏衛孫林父自晉歸于衛注晉納之故曰歸

秋叔孫僑如如齊逆女注成公逆夫人最為得禮而經

無納幣者文闕絕也疏

正義曰釋例曰成公逆女及夫人至最為得禮故詳其文丘明

謂之微而顯婉而成章也然則杜以傳文詳知其最得禮也釋例又云成公娶夫人而不納幣此經文闕也貴聘而賤逆失禮之微者傳猶詳之言其不終若實不納幣非所畧也是言闕之意也闕絕者闕而文斷絕蓋疑仲尼脩定後其文始闕若脩時已闕傳應言其故也

鄭公子喜帥師伐許

九月僑如以夫人婦姜氏至自齊

冬十月庚寅衛侯臧卒注五同盟疏

正義曰臧父速以二年八月卒而臧

代立其年十一月衛大夫與公盟于蜀三年孫良夫來盟五年于蟲牢七年于馬陵九年于蒲皆魯衛俱在是

五同盟也

秦伯卒注無傳二年大夫盟于蜀而不赴以名例在隱

七年

傳十四年春衛侯如晉晉侯強見孫林父焉注林父

以七年奔晉強見欲歸之音義

強其丈反注同見賢
遍反注強見下而見

之同定公不可夏衛侯既歸晉侯使卻犇送孫林父而

見之衛侯欲辭定姜曰不可注定姜定公夫人是先

君宗卿之嗣也注同姓之卿疏

正義曰世本孫氏出
于衛武公至林父八

世是同
姓也

大國又以為請不許將亡雖惡之不猶愈於

亡乎君其忍之注違大國必見伐故亡音義

為如字
或于偽

反惡鳥
路反

安民而宥宗卿不亦可乎衛侯見而復之注

復林父位音義

宥音

衛侯饗苦成叔注成叔卻犇甯

惠子相注相佐禮惠子甯殖音義

相息亮反注同

苦成叔傲

甯子曰苦成家其亡乎古之為享食也以觀威儀省

禍福也故詩曰兕觥其觶旨酒思柔注詩小雅言君

子好禮飲酒皆思柔德雖設兕觥觶然不用以兕角

為觥所以罰不敬觶陳設之貌音義

傲五報反本又作教音同下同

食音嗣兕徐辭坤反觥古橫反觶徐音

疏正義曰詩小雅桑扈

之章言設爵不用之意君子好禮與于燕者皆思柔

順之德無過可罰故雖設觥爵不用之也兕是獸名

觥是爵稱知兕觥以兕角為觥也周禮小胥職云觥

其不敬者是所以罰不敬也異義韓詩說觥五升所

以罰不敬也。觶，廓也。著明之貌。君子有過，廓然明著。詩：毛傳說觶，大七升。許慎云：觶，罰有過一飲七升為過。多當謂五升是也。詩：良耜云：有觶其角，則觶是角。貌。此詩之意，指其角貌言。陳設不用，故曰：陳設之貌。

彼交匪傲，萬福來求。注：彼之交于事而不惰傲，乃萬

福之所求。疏

正義曰：兕觥，罰酒之爵。言古之王者與羣臣燕飲，無失禮者，用兕觥之爵。其觶

然室陳設之無所可罰。在席飲美酒者，皆能思柔順中和，故不用也。彼飲燕君子與人交接，非有傲慢之心，故萬種福。今夫子傲取禍之道也。注為十七年郤

氏亡。○秋，宣伯如齊，逆女，稱族尊君命也。疏

正義曰：宣元年

已發尊君命尊夫人之例。今復發者，彼以喪娶嫌，非正禮。且公子非族，故重明之。何休膏肓難左氏叔孫

僑如舍族為尊夫人案襄二十七年豹及諸侯之大夫盟復何所尊而亦舍族春秋之例一事再見者亦以省文耳左氏為短鄭歲云左氏以豹違命故貶之而去族今僑如無罪而亦去族故以為尊夫人也春秋有事異文同則此類也 ○八月鄭子罕伐許敗焉注為許所敗

音義

敗必邁反下同

戊戌鄭伯復伐許庚子入其郛注郛郭

也音義

復扶又反

許人平以叔申之封注四年鄭公孫申

疆許田許人敗之不得定其封疆今許以是所封田

求和于鄭音義

疆居良反下同

○九月僑如以夫人婦姜氏

至自齊舍族尊夫人也注舍族謂不稱叔孫音義

舍音

捨注同

故君子曰春秋之稱微而顯注辭微而義顯音

義

稱尺證反

志而晦注志記也晦亦微也謂約言以記事

事叙而文微音義

晦呼內反

婉而成章注婉曲也謂曲屈

其辭有所辟諱以示大順而成篇章音義

婉怨晚反

盡而

不汙注謂直言其事盡其實無所汙曲音義

汙憂于反

注同懲惡而勸善注善名必書惡名不滅所以為懲勸

音義

懲直升反

非聖人誰能脩之注脩史策成此五者○

衛侯有疾使孔成子甯惠子立敬妣之子衎以為大

子注成子孔達之孫敬妣定公妾衍獻公音義

衍徐苦旦

反

冬十月衛定公卒夫人姜氏既哭而息見大子之

不衰也不內酌飲歎曰是夫也將不唯衛國之敗其

必始於未亡人注定姜言獻公行無禮必從已始下

言暴妾使余是也音義

內如字徐音納市畧反又章畧反酌

烏呼天禍

衛國也夫吾不獲鱣也使主社稷注鱣衍之母弟音

義

夫音扶鱣徐市戀反一音專

大夫聞之無不聳懼孫文子自是

不敢舍其重器於衛注寶器音義

聳息勇反舍音赦或音捨

盡寘

諸戚注寘置也戚孫氏邑音義

寘之鼓反

而甚善晉大夫

注備亂起欲以為援為襄十四年衛侯出奔傳

經十有五年春王二月葬衛定公注無傳

三月乙巳仲嬰齊卒注無傳襄仲子公孫歸父弟宣十

八年逐東門氏既而又使嬰齊紹其後曰仲氏疏

正義曰公

羊穀梁皆以嬰齊為仲遂之子歸父之弟也以為歸父之弟則同其言稱仲之意則異公羊以為弟無後兄之義使嬰齊為歸父之子則為仲遂之孫故以王父字為氏穀梁以為宣八年仲遂卒者為殺子赤踈之不得稱公子父既見踈不得稱公子故其子由父亦踈之不得稱公孫故別言仲氏杜之此注其言不明當以為襄仲

歸父本以東門為氏及命嬰齊紹歸父之後改之曰仲氏也劉炫云仲遂受賜為仲氏故其子孫稱仲氏耳

癸丑公會晉侯衛侯鄭伯曹伯宋世子成齊國佐邾人

同盟于戚音義

城成音

晉侯執曹伯歸于京師注不稱人以執者曹伯罪不及

民歸之京師禮也疏

正義曰諸傳于其事之下發凡例者杜皆于經之下引傳而言傳例

曰今傳因曹伯發凡杜不引傳例者據稱人以執為例

卻云不然則否曹伯稱侯以執從不然之例故杜不得

引之也不稱人以執者曹伯罪不及民其稱人之例于義為然也諸侯不得相治欲歸之京師使天子治之是禮也釋例曰執諸侯當歸于京師而或以歸或歸于諸侯皆失其所從實而顯之義可知也

公至自會注無傳

夏六月宋公固卒注四同盟疏

正義曰固父鮑以二年八月卒而固代立其年

十一月宋大夫與公盟于蜀五年于蕢牢七年于馬陵九年于蒲皆魯宋俱在是四同盟

楚子伐鄭

秋八月庚辰葬宋共公注三月而葬速音義

共音恭

宋華元出奔晉宋華元自晉歸于宋注華元欲挾晉以

自重故以外納告音義

挾音協

疏

正義曰案傳華元奔晉魚石即議止之魚石自

止華元于河上元始至河本未至晉既書奔晉又書自晉歸者華元既出宋即來告華元既歸宋復來告十八

年傳例曰凡去其國國逆而立之曰入復其位曰復歸諸侯納之曰歸此是魚石止之宜從國逆之例而為諸侯納之文書曰自晉歸者華元與藥書相善怖懼桓族欲挾晉以自重以晉納告于諸侯春秋從而書之以示情故也

宋殺其大夫山注不書氏明背其族宋魚石出

奔楚注公子目夷之曾孫

冬十有一月叔孫僑如會晉士燮齊高無咎宋華元衛

孫林父鄭公子鮑邾人會吳于鍾離注吳夷昧嘗與中

國會今始來通晉帥諸侯大夫而會之故殊會明本非

同好鍾離楚邑淮南縣音義

燮息協反咎其九反
鮑音秋好呼報反

許遷于葉注許畏鄭南依楚故以自遷為文葉今南陽

葉縣也音義

葉舒涉反

傳十五年春會于戚討曹成公也注討其殺太子而

自立事在十三年執而歸諸京師書曰晉侯執曹伯

不及其民也注惡不及民凡君不道於其民諸侯討

而執之則曰某人執某侯注稱人示衆所欲執不然

則否注謂身犯不義者疏

正義曰春秋執諸侯多矣或名或否此例不言之者

釋例曰諸侯見執者已在罪賤之地名與否非例所加故但書執某侯也天生民而樹之君使司牧之勿

使失性者乃肆于民上人懷怨雖諸侯致討則稱某人執某侯衆討之文也諸侯雖身犯不義而惡不及民則不稱人以執之晉侯執曹伯是也諸無加民之惡而稱人以執皆時之赴告欲重其罪以和民為辭國史承以書策而簡牘之記具存夫子因示虛實傳隨而著其本狀以明得失也 諸侯將見

子臧於王而立之子臧辭曰前志有之曰聖達節注

聖人應天命不拘常禮音義

見賢通反應應對之應拘九于反

次守

節注謂賢者下失節注愚者妄動為君非吾節也雖

不能聖敢失守乎疏

正義曰節猶分也人生天地之間性命各有其分聖人達于天

命識已知分若以歷數在己則當奉承靈命不復拘君臣之交上下之禮舜禹受終湯武革命是言達節

者也若自知己分不合高位得而不取與而不受子臧季札衛公子郢楚公子閔如此之類皆守節者也下愚之人不識己分併張妄作取非其理干紀亂常如此之輩古今多矣州吁無知之等皆失節者也子臧自以身是庶子不合有國故言為君非吾節也雖不能為聖敢失其守節者乎

遂逃奔宋

○夏六月宋共公卒注為下宋亂起○楚將北師注

侵鄭衛子囊曰新與晉盟而背之無乃不可乎子反

曰敵利則進何盟之有注晉楚盟在十二年子囊莊

王子公子貞音義

囊乃郎反

申叔時老矣在申注老歸本

邑聞之曰子反必不免信以守禮禮以庇身信禮之

亡欲免得乎注言不得免音義

庇必利反又音秘

楚子侵鄭

及暴隧遂侵衛及首止鄭子罕侵楚取新石注新石

楚邑音義

隧音遂

藥武子欲報楚韓獻子曰無庸注庸

用也使重其罪民將叛之注背盟數戰罪也音義

數所

角反無民孰戰注為明年晉敗楚于鄢陵傳○秋八月

葬宋共公於是華元為右師魚石為左師蕩澤為司

馬注蕩澤公孫壽之孫疏

正義曰世本云公孫壽生大司馬隼也生司馬澤也

華喜督之玄孫者又云督生世子家家生秀老老生司徒鄭鄭生司徒喜也公孫師莊公之孫者又云莊

公生右師戊戌生司城師也鱗朱鱗臚孫者又云桓
公生公子鱗鱗生東鄉臚臚生司徒文文生大司冠
子秦秦生小司冠朱也向戌桓公曾孫者又云桓公
生向父盼盼生司城訾守守生小司冠鱣及合左師
左師即
向戌也
華喜為司徒注華父督之玄孫公孫師為司

城注莊公孫向為人為大司冠鱗朱為少司冠注鱗

臚孫音義

少許照反下同臚古亂反

向帶為大宰魚府為少宰蕩

澤弱公室殺公子肥注輕公室以為弱故殺其枝黨

肥文公子音義

帶音帶本又作帶大音泰

華元曰我為右師君臣

之訓師所司也今公室卑而不能正注不能討蕩澤

吾罪大矣不能治官敢賴寵乎乃出奔晉二華戴族也注華元華喜司城莊族也六官者皆桓族也注魚石蕩澤向為人鱗朱向帶魚府皆出桓公魚石將止華元魚府曰右師反必討是無桓氏也注恐華元還討蕩澤并及六族魚石曰右師苟獲反雖許之討必不敢注言畏桓族強且多大功國人與之不反懼桓氏之無祀於宋也注華元大功克合晉楚之成劫子反以免宋圍右師討猶有成在注向戌桓公曾孫言

其賢華元必不討音義

成

音

桓氏雖亡必偏注偏不

盡魚石自止華元于河上請討許之乃反使華喜公

孫師帥國人攻蕩氏殺子山注喜師非桓族故使攻

之書曰宋殺大夫山言背其族也注蕩氏宋公族還

害公室故去族以示其罪音義

去起

魚石向為人鱗

朱向帶魚府出舍於睢上注睢水名五大夫畏同族

罪及將出奔音義

睢

音雖徐許

華元使止之不可冬

十月華元自止之不可乃反注五子不止華元還魚

府曰今不從不得入矣注不得復入宋音義復扶又反右

師視速而言疾有異志焉若不我納今將馳矣登丘

而望之則馳騁而從之注五子亦馳逐之音義登丘而望

之則馳絕句則決睢澁注澁水涯決壞也音義澁市利反

涯本又作崖魚佳反一音宜壞音怪閉門登陴矣左師二司寇二宰遂

出奔楚注四大夫不書獨魚石告音義陴昆反疏正義曰褒

元年傳謂此五人為五大夫故除去魚石謂之四大

夫也彼四大夫所以不書者宋人獨以魚石告不以

四人告也服虔云魚石卿故書以為四人非卿故不

書杜不然者案文七年傳云宋成公卒于是公子成

為右師公孫友為左師樂豫為司馬鱗臄為司徒公
子蕩為司城華御事為司寇六卿和公室哀二十六
年傳宋景公無子于是皇緩為右師皇非我為大司
馬皇懷為司徒靈不緩為左師樂茂為司城樂朱鉏
為大司寇六卿三族降聽政據獲二文則向為人為
大司寇亦是卿也若五人皆告為卿則書向為人亦
當書之何以獨書魚石杜言獨以魚石告正為向為
人不書故也或少司寇二宰等六卿之外亦是卿官
合書名氏猶如魯之三卿外別有公孫嬰
齊臧孫許但非如六卿等世掌國政也

華元使向

成為左師老佐為司馬樂裔為司寇以靖國人注老

佐戴公五世孫音義

裔以制反

○晉三卻害伯宗譖而殺

之及欒弗忌注欒弗忌晉賢大夫伯州犂奔楚注伯

宗子音義

犁力反

韓獻子曰郤氏其不免乎善人天地

之紀也而驟絕之不亡何待注既殺伯宗又及弗忌

故曰驟也

為十七年晉殺三郤傳音義

驟仕救反

初伯宗

每朝其妻必戒之曰盜憎主人民惡其上子好直言

必及於難

注傳見雖婦人之言不可廢音義

惡烏路反好呼

報反難乃旦反見前遍反

○十一月會吳鍾離始通吳也注始與

中國接○許靈公畏偏於鄭請遷於楚辛丑楚公子

申遷許于葉

春秋左傳注疏卷二十七

春秋左氏傳注疏卷二十七考證

傳晉侯使卻至勿敢爭注傳言卻至貪所以亡○

臣召

南按注但得其一耳卻至以列國大夫敢與王室爭地王勿能斷使卿訟於晉畏晉強也晉侯知卻至之非不能罪之但使勿復爭田又畏其臣也自是王室愈卑晉之公室亦替而政在大夫矣

傳盟於宋西門之外○陳傅良曰傳見晉楚嘗同盟不書至襄二十七年特書之也

臣浩

按晉楚交合俱以

宋為樞機此盟華元為之後弭兵向成為之

公至自伐秦○孫復曰不以京師至者明本非朝京師

傳孟獻子從疏是賞不善也○臣召南按周語本文是

不賞善也又按王孫悅與之語說讓說即悅字言好

讓也

傳是以有動作禮義威儀之則以定命也○臣召南按

漢書五行志引此作是以有禮義動作威儀之則

傳能者養之以福○臣召南按左傳本文作能者養以

之福與下句不能者敗以取禍相耦故孔疏曰養其
威儀禮法以往適於福往適即之字義也漢書五行
志引此文亦作能者養以之福顏師古曰之往也是
唐以前本俱不誤今各本俱倒之以二字非也然西
溪叢語已論及則自宋時已誤矣

傳焚我箕部○

臣浩

按世所行杜林合注本此句有杜

注云箕部晉二邑焚火攻之也十字推尋文義似此
處應有注也

傳彼交匪傲○

臣浩

按詩作彼交匪敖義與傲同而漢

書五行志引此文作彼傲匪傲

傳楚將北師注侵鄭衛○監本訛作鄭侵衛今改正

傳左師二司寇二宰遂出奔楚○趙汭補注曰向為人

大司寇六卿之一不書者族同罪同獨書魚石舉重

耳

臣召南

按魚氏自子魚之後世為左師至是始出

經書其要者耳

春秋左氏傳注疏卷二十七考證

欽定四庫全書

經部
春秋左傳注疏卷二十八

詳校官監察御史臣王爾烈

給事中臣溫常綬覆勘

覆校官中書臣汪日章

校對官中書臣馮培

謄錄監生臣毛鴻儀

欽定四庫全書

春秋左傳注疏卷二十八

起成公十六年盡十八年

晉杜氏注

唐陸德明音義

唐孔穎達疏

經十有六年春王正月雨木冰注無傳記寒過節冰封

著樹音義

雨木冰如字公羊傳云雨而木冰也舊予付反著直略反

正義曰正月今之仲冬時

猶有雨未是盛寒雨下即著樹爲冰記寒甚之過其節度公羊穀梁皆云雨而木冰是冰封著樹也今世時有之皆寒甚所致也

夏四月辛未滕子卒注不書名未同盟

鄭公子喜帥師侵宋注喜穆公子子罕也

六月丙寅朔日有食之注無傳

晉侯使欒黶來乞師注將伐鄭黶欒書子音義

黶於斬反徐於

玷疏

正義曰十八年悼公之入黶尚爲公族大夫此時樂書尚在黶未爲卿而得名見經者襄二十九年

鄭公孫段未爲卿而見經杜云蓋以攝卿行然則此亦當以攝卿故書

甲午晦晉侯及楚子鄭伯戰于鄢陵楚子鄭師敗績注

楚師未大崩楚子傷目而退故曰楚子敗績鄢陵鄭地

今屬潁川郡音義

鄢謁晚反疏

正義曰此戰楚師未至於敗而楚子身傷故書

楚子敗績也泓之戰宋公傷股師亦敗績故書師敗而不書宋公敗也君將不言帥師以君重於師也戰陳以師相敵死亡既多舉師為重故師敗君傷者唯書師敗而已不復書君身敗也劉炫又云若君將被殺獲者為重既書師敗又書殺獲即韓之戰獲晉侯大棘之戰獲華元難父之戰獲胡沈之君是也

楚殺其大夫公子側注側子反背盟無禮卒以敗師故

書名

秋公會晉侯齊侯衛侯宋華元邾人于沙隨注沙隨宋

地梁國寧陵縣北有沙隨亭不見公注不及鄆陵戰故

不諱者恥輕於執止疏

正義曰諸公被執者皆諱不書執此會晉侯不肯見公不諱之

者公為國內有故不及戰期雖不見公非公之罪是為恥輕於執止故直書之以示諫公之意冀公改過無後犯及歸書公至自會以無罪不諱故依法告廟也公至自會注無傳

公會尹子晉侯齊國佐邾人伐鄭注尹子王卿士子爵

曹伯歸自京師注為晉侯所赦故書歸諸侯歸國或書

名或不書名或言歸自某或言自某歸傳無義例從告

辭

九月晉人執季孫行父舍之于莒丘注莒丘晉地舍之

莒丘明不以歸不稱行人非使人音義

莒音條使疏正
所吏反義

曰昭十三年晉人執季孫意如以歸此言舍之莒丘明其不以歸也大夫因使被執無罪者則書行人以見無罪於時行父從公伐鄭在軍見執雖則無罪不稱行人以其非使人故也季孫意如得釋而歸書意如至自晉此行父得釋不書至者釋例曰賈氏以為書執行父舍于莒丘言失其所不書至者刺晉聽讒執之示已無罪也案傳執于莒丘以別晉都無義例也公待于鄆與行父俱歸厭於公尊故不書行父至耳若欲示無罪則宜於執見義今既直書其執處絕不書至乃所以示終於執執非示無罪也穀梁以行父至不致者為公在故與杜義合也

冬十月乙亥叔孫僑如出奔齊注公未歸命國人逐之十有二月乙丑季孫行父及晉卻犇盟于扈注晉許魯

平故盟

公至自會注無傳伐而以會致史異文

乙酉刺公子偃注魯殺大夫皆言刺義取於周禮三刺

之法音義

刺本又作刺七賜反爾雅云殺也

傳十六年春楚子自武城使公子成以汝陰之田求

成于鄭注汝水之南近鄭地音義

近附近

鄭叛晉子

駟從楚子盟于武城注為晉伐鄭起○夏四月滕文

公卒鄭子罕伐宋注滕宋之與國鄭因滕有喪而伐

宋故傳舉滕侯卒侵伐經傳異文經從告傳言實也

皆放此宋將鉏樂懼敗諸洧陂注敗鄭師也樂懼戴

公六世孫將鉏樂氏族音義

鉏仕魚反徐音在魚反洧七藥反徐音酌一音

市藥反陂彼宜反

疏

正義曰樂懼是戴公六世孫世本有文也將鉏為樂氏之族不知所出杜譌於

樂氏之下樂鉏將鉏為一人傳無樂鉏之文不知其故何也

退舍於夫渠不儼注

宋師不儼備音義

夫音扶儼京頴反

鄭人覆之敗諸洧陵獲

將鉏樂懼宋恃勝也注洧陂夫渠洧陵皆宋地音義

覆徐數目反一音扶又反又芳又反

○衛侯伐鄭至于鳴鴈為晉故也

注鳴鴈在陳留雍丘縣西北音義偽反○晉侯將伐

鄭范文子曰若逞吾願諸侯皆叛晉可以逞注逞快

也晉厲公無道三郤驕故欲使諸侯叛冀其懼而忌

德若唯鄭叛晉國之憂可立俟也欒武子曰不可以

當吾世而失諸侯必伐鄭乃興師欒書將中軍士燮

佐之注代荀庚疏正義曰晉語云鄢陵之役晉伐鄭

下軍與此異者彼孔晁注云上下中軍之上下也傳

曰欒書將中軍士燮佐之又曰欒范以其族夾公行
引此為証是彼謂分中軍
為二將將上而佐將下 郤錡將上軍注代士燮荀

偃佐之注代卻錡偃荀庚子韓厥將下軍卻至佐新

軍荀罃居守注荀罃下軍佐於是卻犇代趙旃將新

軍新上下軍罷矣音義

守手疏正義曰十三年傳云又反疏韓厥將下軍荀罃佐

之又此年末傳云知武子佐下軍卻犇將新軍是其文也三年作六軍其新三軍將佐六人皆賞鞏之功死亡不復存至此唯有韓厥在耳卻至佐新軍不言中下是新軍唯一知新上下軍於是罷矣

卻犇

如衛遂如齊皆乞師焉欒黶來乞師孟獻子曰有勝

矣注卑讓有禮故知其將勝楚戊寅晉師起鄭人聞

有晉師使告于楚姚句耳與往注句耳鄭大夫與往

非使也為先歸張本音義

句古侯反與音預使所吏反

楚子救鄭

司馬將中軍注子反令尹將左注子重右尹子辛將

右注公子士夫過申子反入見申叔時注叔時老在

申音義

過古禾反

曰師其何如對曰德刑詳義禮信戰之

器也注器猶用也德以施惠刑以正邪詳以事神義

以建利禮以順時信以守物民生厚而德正注財足

則思無邪音義

邪似嗟反注皆同

用利而事節注動不失利

則事得其節時順而物成注羣生得所上下和睦周

旋不逆注動順理求無不具注下應上音義應應對之應

各知其極注無二心故詩曰立我烝民莫匪爾極注

烝衆也極中也詩頌言先王立其衆民無不得中正

音義

烝之乘反注同

疏正義曰烝衆釋詁文極中常訓也詩頌思文之篇美后稷之德周語云昔

我先王世后稷故杜以先王言之言先王后稷立其衆人無不得其中正也當堯之世洪水滔天人不粒食皆失其正性后稷教人耕稼以養之各復本性故無不得中正也

是以神降之福時

無災害民生敦龐和同以聽注敦厚也龐大也音義

龐莫疏

注正義曰皆釋詁文也言人之生計若財物足皆豐厚而多大管子曰倉廩實而知禮節

衣食足而知榮辱讓生於有餘爭生於不足是其人生厚大則心和而聽上命也莫不盡力

以從上命致死以補其闕注闕戰死者此戰之所由

克也今楚內棄其民注不施惠而外絕其好注義不

建利音義

好呼報反

瀆齋盟注不詳事神音義

瀆徒木反

而食

語言注信不守物音義

話戶快反

奸時以動注禮不順時

周四月今二月妨農業音義

奸音干本或作干

疏

正義曰沈氏云晉亦

奸時所以無天殃者以鄭既有罪晉人討之楚黨有罪之鄭故獨謂之奸時

而疲民以逞

注刑不正邪而苟快意音義

疲本亦作罷音皮下注同

疏

正義曰魯語曰

大刑用甲兵其次用斧鉞故大者陳之原野小者致之市朝則征伐之刑刑之大者刑不正邪而苟快意正謂伐晉是也此六句言苟無上六事隨便而言故與上不次服虔以外絕其好為刑不正邪也食話言為義不建利也疲民以逞為信不守物也杜以食話言是言之不信也快意征伐是刑之失所也故不從

說舊民不知信進退罪也人恤所底其誰致死注底至

也音義

底徐音旨又之履反

疏

正義曰底聲近至故為至也在上之信不著於人號令無常動

情恣意或乍東乍西或欲遲欲速每事如此不可測量人不知信進退獲罪人人各憂其身不知性命所

至誰肯致死戰也

子其勉之吾不復見子矣注言其必敗不

反音義

復見一本無復

疏

正義曰叔時此對首尾相成先舉六名云戰之器也

言有此六事乃可以戰若器用然也自德以施惠至
信以守物辨六事施用之處也自民生厚至所由克
言能用六事得戰勝之意也自今楚內棄其民至疲
民以逞言楚不行六事也民不知信以下言楚必敗
之意也德者得也自得於心美行之大名有大德者
以德撫人是德用之以施恩惠也有奸邪者斷以刑
罰是刑用之以正邪辟也詳者祥也古字同耳釋詁
云祥善也李廵曰祥福之善也事神得福乃名為祥
是祥用之以事神也義者宜也物皆得宜利乃生焉
故義所以生立利益也禮者履也其所踐履常適時
要故禮所以順時事也言而無信物將散矣故信所
以守羣物也人君用此道以撫下民民之生計豐厚
財用足則民之德皆正矣德謂人之性行論語云民
德歸厚矣即是正也此一句覆上德以施惠由上施
恩惠故民生計豐厚也財用有利益而每事得節饑
則有食寒則有衣其事皆得節矣此一句覆上義以

建利也政不擾民時節皆順春種夏耨而物得成矣
此一句覆上禮以順時也自上及下和睦相親周旋
運轉不有違逆上之所求下無不具下民自知其中
無復二心故詩美先王成立我之衆民無不於女先
王得其中正言先王善養下民使得中也自上下和
睦以下至莫匪爾極總論在上德義禮三事以教於
下則在下之人皆無邪惡以信自守即包上刑以正
邪信以守物二句也聖王先成於民而後致力於神
民既如此是以明神下之福祐時無水旱災害此覆
上詳以事神也故下民生計皆豐厚而多大人皆和
同其心以聽進止無不益已之力以從上命戰陳之
上有被殺傷者皆致其死命以補其空闕之處此戰
之所由得而勝也今楚內棄其國內之民不行施惠
是無德也外絕其鄰國之好不得其利是無義也與
晉結盟而復背之貫漬齊同之盟是無詳也與人要
言今背其語食消善言是無信也夏之二月農事正

煩奸犯時節而動兵伐人是無禮也晉人無罪苟欲伐之疲勞下民以快已欲是無刑也六事皆無是無器也無器而戰其可勝乎上若有信民知所適上既無信不知所從從前言則違後令從後令則背前言人既不知在上之信其進與退皆得罪也人人憂其所至不知己之性命將至何處其誰肯致死而戰也子其勉力為之此行也必敗吾不復得見子矣知其必死與之長訣也

姚句耳先歸子

駟問焉對曰其行速過險而不整速則失志注不思

慮也不整喪列志失列喪將何以戰楚懼不可用也

五月晉師濟河聞楚師將至范文子欲反曰我偽逃

楚可以紓憂注紓緩也音義

喪息浪反下同紓音舒

夫合諸侯

非吾所能也以遺能者我若羣臣輯睦以事君多矣

武子曰不可六月晉楚遇于鄢陵范文子不欲戰卻

至曰韓之戰惠公不振旅注衆散敗也在僖十五年

音義

遺唯季反下注問遺也同輯又作集音同亦七八反

箕之役先軫不反命

注死於狄也在僖三十三年邲之師荀伯不復從注

荀林父奔走不復故道在宣十二年音義

從徐子容反音或如

字皆晉之恥也子亦見先君之事矣注見先君成敗

之事今我辟楚又益恥也文子曰吾先君之亟戰也

有故注亟數也音義

亟去吏反
數所角反

秦狄齊楚皆彊不盡

力子孫將弱今三彊服矣注齊秦狄敵楚而已唯聖

人能外內無患自非聖人外寧必有內憂注驕亢則

憂患生也音義

亢苦浪反

盍釋楚以為外懼乎甲午晦楚

晨歷晉軍而陳注歷筭其未備音義

盍戶臘反歷於甲反徐於敦反

陳直覲反下及注
皆同筭側直反

軍吏患之范句趨進曰注句士燮

子音義

句本又作
弓古害反

塞井夷竈陳於軍中而疏行首注

疏行首者當陳前決開營壘為戰道音義

行戶郎反
一音如字

注同壘
力軌反

晉楚唯天所授何患焉文子執戈逐之曰國

之存亡天也童子何知焉欒書曰楚師輕窵固壘而

待之三日必退退而擊之必獲勝焉卻至曰楚有六

間不可失也其二卿相惡注子重子反音義

窵勅彫反又勅

弔反惡如字
又鳥路反

王卒以舊注罷老不代音義

卒子忽反
下皆同

鄭陳而不整注不整列蠻軍而不陳注蠻夷從楚者

不結陳陳不違晦注晦月終陰之盡故兵家以為忌

疏

正義曰日為陽精月為陰精兵尚殺害陰之道也
行兵貴月盛之時晦是月終陰之盡也故兵家以

晦為忌不用晦日陳兵也昭二十三年七月戊辰晦
吳敗楚師于雞父吳犯兵忌而戰勝者杜云違兵忌
晦戰擊楚所不意彼知楚有可敗之機晦是兵家所
忌原楚之情必以吳為不動故以晦日掩之擊楚不
備故也

在陳而囂注囂喧嘩也音義

囂許驕反徐讀曰
數五高反注及後

同喧本又作諠况元
反嘩本又作譁音華
合而加囂注陳合宜靜而益有

聲各顧其後莫有關心注人恤其所底舊不必良以

犯天忌我必克之楚子登巢車以望晉軍注巢車車

上為櫓音義

巢說文作輶云兵車高如巢
以望敵也字林同櫓音魯

疏正義曰
說文云

輶兵高車如巢以望敵也櫓澤中守
草樓也是巢與櫓俱是樓之別名

子重使大宰伯

州犁侍于王後注州犁晉伯宗子前年奔楚音義大宰

音奉官名大者多同以意求之

王曰騁而左右何也注騁走也曰召

軍吏也皆聚於中軍矣曰合謀也張幕矣曰度卜於

先君也注虔敬也音義

幕音莫

徹幕矣曰將發命也甚

囂且塵上矣曰將塞井夷竈而為行也注夷平也音

義

上時掌反行戶郎反下夾公行同

皆乘矣左右執兵而下矣曰聽

誓也注左將帥右車右音義

乘繩證反下同將子匠反下去將同帥所類反

下元疏正義曰兵車唯元帥在中御者在左也其餘帥同將帥皆御者在中將帥在左也在右執兵而

下唯御者待車不下耳

戰乎曰未可知也乘而左右皆下矣曰

戰禱也注禱請於鬼神音義

禱丁老反或丁報反

伯州犂以公

卒告王注公晉侯苗賁皇在晉侯之側亦以王卒告

注賁皇楚鬬椒子宣四年奔晉音義

賁扶云反

皆曰國士

在且厚不可當也注晉侯左右皆以伯州犂在楚知

晉之情且謂楚衆多故憚合戰與苗賁皇意異音義

憚徒疏

正義曰服虔以此皆曰之文在州犂賁皇之

旦反

下解云賁皇州犂皆言曰晉楚之士皆在君

側且陳厚不可當以為州犂言晉強賁皇言楚彊故云皆曰也若如服言賁皇既言楚不可當何故復請

分良以擊其左右故杜不用其說晉侯左右皆為此言以憚伯州犂耳

苗賁皇言於晉

侯曰楚之良在其中軍王族而已請分良以擊其左

右而三軍萃於王卒注萃集也音義

萃似醉反

必大敗之

公筮之史曰吉其卦遇復注䷗震下坤上復無變

疏正義曰說卦震為雷坤為地復象曰雷在地中復服虔云復反也陰盛於上陽動於下以喻小人作亂於上聖人興道於下萬物復萌制度復理故曰復也其筮六爻無變者故言其所遇之卦而已

曰

南國蹇射其元王中厥目注此卜者辭也復陽長之

卦陽氣起于南行推陰故曰南國蹇也南國勢蹇則

離受其咎離為諸侯又為目陽氣激南飛矢之象故

曰射其元王中厥目音義

蹇子六反射食亦反注及下射之同中丁仲反注同

長丁丈反

疏

正義曰此實筮也而言卜者卜筮通言

激古狄反

耳

此既不用周易而別為之辭蓋卜筮

之書更有此類筮者據而言耳服虔以為陽氣觸地

射出為射之象杜以陽氣激南為飛矢之象二者無

所依馮各以意說得失終於無驗是非無以可明今

以杜言離為諸侯者案禮器云大明生於東君西酌

犧象鄭玄云象日出東方而西行也詩邶栢

舟鄭箋云日君象也說卦離為日故為諸侯

國蹇王

傷不敗何待公從之注從其言而戰有淖於前注淖

泥也音義

淖乃孝反徐徒較反

乃皆左右相違於淖注違辟也

步毅御晉厲公欒鍼為右注步毅即卻毅彭名御楚

共王潘黨為右石首御鄭成公唐苟為右欒范以其

族夾公行注二族強故在公左右音義

共音恭夾古洽反疏

注正義曰劉炫云族者屬也屬謂中軍以中軍夾公耳非謂宗族之兵今知非者杜云二族者順傳之文無明言宗族之事劉誣杜以為宗族妄規其過非也陷於淖欒書將載晉侯鍼

曰書退國有大任焉得專之注在君前故子名其父

大任謂元帥之職音義

馬於疏正義曰言國有元帥度反疏之大任何得專意廢

之而為御也注正義曰曲禮曰父前子名君前臣名鄭玄云對至尊無大小皆相名以君至尊為在君前

故子名其父

且侵官冒也注載公為侵官音義

冒莫報反徐莫北反

失官慢也注去將而御失官也離局姦也注遠其部

曲為離局音義

離力志反注同遠于萬反

有三罪焉不可犯也乃

掀公以出於淖注掀舉也音義

掀徐許言反云捧轂舉之則公軒起也一

曰掀引也胡根反一音虛斤反字林云舉出也火氣也又丘近反

疏

正義曰說文云掀舉出也公在

於淖知掀當訓為舉也

癸巳潘阡之黨與養由基蹲甲而射之

徹七札焉注黨潘阡之子蹲聚也一發達七札言其

能陷堅音義

阡烏黃反之黨一本作潘阡之子黨案注云黨潘阡之子也則傳文不得有子

字古本此及襄二十三年申鮮虞之傳摯皆無子字
蹲在尊反徐又在損反一音才官反札側八反徐側
乙疏正義曰潘魁之子其名為黨襄二十三年申
反鮮虞之傳摯辭與此同古人為文略言耳以

示王曰君有二臣如此何憂於戰注二子以射夸王

音義

夸苦瓜反

王怒曰大辱國注賤其不尚知謀音義

知音

智詰朝爾射死藝注言女以射自多必當以藝死也

詰朝猶明朝是戰日音義

朝如字注同女音汝

呂錡夢射月中

之退入於泥注呂錡魏錡音義

射食亦反下至使射呂錡皆同

占之

曰姬姓日也注周世姬姓尊異姓月也注異姓卑必

楚王也射而中之退入於泥亦必死矣注錡自入泥

亦死象音義

中丁仲反下及注皆同

及戰射共王中目王召養

由基與之兩矢使射呂錡中項伏弋注弋衣音義

項戶講反弋他刀反

以一矢復命注言一發而中卻至三遇楚

子之卒見楚子必下免胄而趨風注疾如風楚子使

工尹襄問之以弓注問遺也疏

正義曰遺人以物謂之為問問弦多以琴

問子貢以弓論語云問人於他邦皆是也

曰方事之殷也注殷盛也有韎

韋之跗注君子也注韎赤色跗注戎服若袴而屬於

跗與袴連音義

韎莫拜反又音妹徐莫蓋反跗方于反注之樹反袴若故反屬韋玉反

疏正義曰鄭玄詩注云韎茅蒐染也韎聲也韋昭云茅蒐今絳草也急疾呼茅蒐成韎也茅蒐即今之

蒨也賈逵云一染曰韎釋器云一染謂之緇謂一入赤為淺赤色也跗注兵戎之服自要以下而注於脚

跗謂屬袴於下與跗相連周禮司服凡兵事韋弁服鄭玄云韋弁以韎韋為弁又以為衣裳晉郤至衣韎

韋之跗注是也鄭以跗裳為幅謂裁韋若布帛之幅相縫屬鄭言以為衣裳則衣裳不連聘禮君使卿韋

弁歸饗餼鄭玄云其服蓋韎布以為衣而素裳鄭以彼非戎事當為素裳明衣裳不連跗注言連者謂要

脚連耳若然在軍之服其色皆同所謂均服振振上下同色郤至與衆同服所以獨見識者禮法雖有此

服軍士未必盡然郤至服識見不穀而趨無乃傷乎必鮮華故楚王偏識之

注恐其傷卻至見客免胄承命曰君之外臣至從寡

君之戎事以君之靈間蒙甲冑注間猶近也音義如近

字一本或作與音預不敢拜命注介者不拜音義介音疏正義曰曲

禮云介者不拜為其拜而菱拜鄭玄云菱則失容節菱猶詐也慮其竿甲折敢告不寧君

命之辱注以君辱賜命故不敢自安疏正義曰劉炫以為楚王云

無乃傷乎恐其傷也答云敢告不寧告其身不傷耳

魏驍云不有寧也以傷為寧此與魏驍相似今知不

然者案僖二十八年魏驍云以君之靈不有寧也謂

不有被傷以自寧也知不與彼同者以彼云不有寧

謂不有損傷此直云不寧既無有字又先無被傷之

狀與魏驍不同也案檢杜注敢告不寧君命之辱宜

連讀之若敢告不寧別自為句則君命之辱一句零
行無所依附故知與彼不同劉君不尋杜意以為與
魏舉相似而規杜非也為事之故敢肅使者注言君辱命來問

以有軍事不得答故肅使者肅手至地若今擡音義

為于偽反使所吏反注及下同擡疏正義曰周禮大

伊志反揖也字林云舉首下手也祝辨九拜九曰

肅拜鄭司農云肅拜但俯下手今時擡是也說文云

擡舉手下手也其勢如今揖之小別晉宋儀注貴人

待賤人賤人拜貴人擡三肅使者而退晉韓厥從鄭伯注從逐

也其御杜溷羅曰速從之其御屢顧不在馬可及也

韓厥曰不可以再辱國君乃止注二年鞏戰韓厥已

左傳注疏

辱齊侯音義

濁戶昏反又戶本反

卻至從鄭伯其右弗翰胡曰

謀輅之余從之乘而俘以下注欲遣輕兵單進以距

鄭伯車前而自後登其車以執之音義

弗府勿反翰徐音韓謀音

牒輅五嫁反乘繩證疏正義曰說文云謀軍中反間也兵書有反間之法謂詐為

敵國之人入其軍中伺候間隙以反告己軍今謂之細作人也此欲令謀迎鄭伯則非一人細作於時鄭伯退走故杜以為輕兵單進遠鄭伯之前逆距鄭伯使鄭伯前視輕兵不復顧後得自後登其車以執之也鄭軍亂走輕兵獨出其間亦謀之類故翰胡得以謀言之

卻至曰傷國君有刑

亦止石首曰衛懿公唯不去其旗是以敗於熒乃內

旌於弢中注熒戰在閔二年音義

去起呂反熒戶疏局反旌音精

正義曰旌謂鄭伯所建之旗弢是盛旌之囊也周禮全羽為旌折羽為旌謂空建鳥羽者也但凡旗竿首皆有折羽故旌為之總名故此傳鄭伯與子重所建皆以旌言之其鄭伯所建當是交龍之旗子重所建當是熊虎之旗周禮中秋教治兵辨旗物諸侯載旂軍吏載旗鄭玄云軍吏諸軍帥也凡旌旗有軍衆者畫異物無者帛而已子重為將自然當建熊虎之旗

唐苟謂石首曰子在君側

敗者壹大我不如子子以君免我請止乃死注敗者

壹大謂軍大崩也言石首亦君之親臣而執御與車

右不同故首當御君以退已當死戰楚師薄於險注

薄迫也叔山冉謂養由基曰雖君有命為國故子必

射注王有死藝命音義

冉如炎反為于偽反射食亦反

乃射再發盡

殪叔山冉搏人以投中車折軾晉師乃止注言二子

皆有過人之能音義

發如字徐音廢殪於計反搏音博中丁仲反折之設反又市列

反軾音式

囚楚公子茂注為卻至見諧張本音義

茂扶疏反

正義曰晉語謂之王子發鉤蓋一名一字也

欒鍼見子重之旌請曰楚人

謂夫旌子重之麾也彼其子重也曰臣之使於楚也

子重問晉國之勇臣對曰好以衆整曰又何如注又

問其餘音義

夫音扶麾許尼反日人實反使所吏反下免使者同好呼報反下及注皆同

臣對曰好以暇注暇閒暇音義

閒音開

今兩國治戎行

人不使不可謂整臨事而食言不可謂暇注食好整

之言音義

使所吏反又如字

請攝飲焉注攝持也持飲往飲

子重音義

往飲於鵠反

公許之使行人執榼承飲造于子

重注承奉也音義

榼苦臘反造七報反

曰寡君乏使使鍼御持

矛注御侍也是以不得犒從者使某攝飲子重曰夫

子嘗與吾言於楚必是故也不亦識乎注知其以往

言好暇故致飲音義

犒告報反從才用反

受而飲之免使者而

復鼓注免脫也音義

復扶又反注及下同

旦而戰見星未已子

反命軍吏察夷傷注夷亦傷也疏

正義曰服虔云金創為夷杜以戰用

五兵唯受無刃所言傷者皆刃傷也何須於此獨辨金木故知夷亦傷也復言之耳

補卒乘注

補死亡音義

乘繩證反下同

繕甲兵注繕治也展車馬注展

陳也音義

陳如字

雞鳴而食唯命是聽注復欲戰晉人

患之苗賁皇狗曰蒐乘補卒注蒐闌也音義

狗似俊反蒐所

留秣馬利兵注秣穀馬也音義

秣音未

脩陳固列注固

堅也音義

陳直觀反又如字

蓐食申禱注申重也音義

蓐音辱重

直用反

明日復戰乃逸楚囚注逸縱也音義

縱子用反

王聞

之召子反謀穀陽豎獻飲於子反子反醉而不能見

注穀陽子反內豎音義

見賢通反

疏

正義曰鄭玄云豎未冠者之名故杜以為

內豎也案呂氏春秋云荆共王與晉厲公戰于鄢陵
荆師敗共王傷臨戰司馬子反渴而求飲豎陽穀操
酒而進之子反曰却酒也豎陽穀曰非酒也子反曰
却酒也豎陽穀又曰非酒也子反受而飲之子反之
為人也嗜酒甘而不能絕於口醉戰既罷共王欲復
戰而謀使召司馬子反子反辭以心疾共王駕往視
之入帷中聞酒臭而還曰今日之戰不穀親傷所恃
者司馬也而司馬又若此不穀無與復戰矣於是遂

罷師去之斬司馬子反以為戮與此不同者傳依簡牘本紀彼采傳聞異辭所說既殊其文亦異王

曰天敗楚也夫余不可以待乃宵遁晉入楚軍三日

穀注食楚粟三日也音義

夫音扶三日穀本或作三日館穀誤也

范文

子立於戎馬之前曰君幼諸臣不佞注佞才也音義

君幼本或作君幼弱

何以及此君其戒之注戒勿驕周書曰惟

命不于常有德之謂注周書康誥言勝無常命惟德

是與疏

正義曰周公稱成王之命告康叔以此言也唯上天之命不常於一人也言善則德之惡

則失之唯有德者於是與之

楚師還及瑕注瑕楚地王使謂子反

曰先大夫之覆師徒者君不在注謂子玉敗城濮時

王不在軍音義

覆芳服反

子無以為過不穀之罪也子反

再拜稽首曰君賜臣死死且不朽注王引過亦所以

責子反也臣之卒實奔臣之罪也子重使謂子反曰

初隕師徒者而亦聞之矣盍圖之注聞子玉自殺終

二卿相惡音義

卒從此已前皆子忽反隕于敵反盍戶臘反

對曰雖微先

大夫有之大夫命側側敢不義注言以義命已不敢

不受疏

正義曰微無也縱使雖無先大夫有此舊事今大夫將義命已敢不以為之義乎

側

亡君師敢忘其死王使止之弗及而卒戰之日齊國

佐高無咎至于師注無咎高固子衛侯出于衛公出

于壞隕注壞隕魯邑齊衛皆後非獨魯明晉以僑如

故不見公音義

壞戶怪反徐音懷隕徒回反

疏

正義曰出于衛者已出衛竟也公出

于壞隕始從壞隕而出猶未出魯竟下云公待於壞隕設守而後行是出國止於壞隕更從壞隕而行

宣伯通於穆姜注穆姜成公母欲去季孟而取其室

注季文子孟獻子音義

去起呂反

將行穆姜送公而使逐

二子公以晉難告注會晉伐鄭音義

難乃旦反

曰請反而

聽命姜怒公子偃公子鉏趨過注二子公庶弟音義

鉏仕疏注正義曰沈氏云以刺居反公子偃不云弟故也

指之曰女不可是皆

君也注言欲廢公更立君音義

女音汝

公待于壞墮申

宮傲備注申勅宮備音義

傲京領反

設守而後行是以後

注後晉楚戰期音義

守手又反

使孟獻子守于公宮秋會

于沙隨謀伐鄭也注鄭猶未服宣伯使告卻犇曰魯

侯待于壞墮以待勝者注觀晉楚之勝負卻犇將新

軍且為公族大夫以主東諸侯注主齊魯之屬取貨

于宣伯而訴公于晉侯注訴譖也晉侯不見公○曹

人請于晉曰自我先君宣公即世注在三十年國人

曰若之何憂猶未弭注弭息也既葬國人皆將從子

臧所謂憂未息音義

弭亡氏反

而又討我寡君注前年晉

侯執曹伯以亡曹國社稷之鎮公子注謂子臧逃奔

宋是大泯曹也注泯滅也先君無乃有罪乎注言今

君無罪而見討得無以先君故若有罪則君列諸會

矣注諸侯雖有篡弑之罪侯伯已與之會則不復討

前年會于戚曹伯在列盟畢乃執之故曹人以為無

罪音義

慶初患反臧音試復扶疏正義曰諸侯廢立又反下及下文復請同疏當由天子但春秋

之世王政不行若篡弑而立則侯伯既列於會便是已成為君臣不得殺之鄰國不得復討往年為戚之會主為討曹但晉侯既列於會盟畢乃始執之故曹人以為無罪也宣元年會于平州以定公位齊非侯伯而得公位定者縱非侯伯乃是疆鄰既得與會即為黨援晉若討魯齊必救之於是晉國竟不伐魯是由會齊而公位遂定也君唯不遺德刑注遺失也以伯諸侯豈

獨遺諸敝邑敢私布之注為曹伯歸不以名告傳音

義

伯如字疏正義曰諸侯被執及歸或名或否雖從又音霸告辭傳不為例但諸侯尊貴不斥其名

曲禮曰諸侯不生名諸侯失地名滅同姓名是諸侯
稱名者是罪責之事彼告者亦量其事之善否惡之
則以名告故釋例曰蔡侯般弑父自立楚子欲顯行
刑誅以章伯業誘而殺之蔡人深怨故稱名以告春
秋從而書之是告者謂其有罪則稱名以告謂其無
罪則告不以名此曹人訴君無罪晉侯從而釋之言
其無罪而歸故晉人不足以名告下云晉侯謂子臧反
吾歸而君是晉人告其歸也此傳說曹伯無罪是為
經不以名告之傳也○七月公會尹武公及諸侯伐鄭將行姜

又命公如初注復欲使公逐季孟公又申守而行諸

侯之師次于鄭西我師次于督揚不敢過鄭注督揚

鄭東地音義

守手又反下注同過
古臥反又古未反

子叔聲伯使叔孫

豹請逆于晉師注豹叔孫僑如弟也僑如於是遂作

亂豹因奔齊疏

正義曰此時十月也至十月而僑如奔齊昭四年傳稱穆子去叔孫氏及

庚宗遇婦人使私為食而宿焉後生豎牛適齊娶於國氏生孟丙仲壬乃云宣伯奔齊穆子饋之則似豹在齊多年僑如始往故服虔以為叔孫豹先在齊矣此時從國佐在師聲伯令人就齊師使豹豹不忘宗國聞白國佐為魯請逆杜不然者若豹以前在齊則非復魯臣聲伯正可因之以請不得云聲伯使豹聲伯安得專使背叛之臣也又聲伯豈無魯人可使而崎嶇艱險遠使他國之人乎今傳言聲伯使豹明在魯軍得為聲伯使耳下云聲伯食使者而後食不言食豹而言食使者明豹因請逆遂即不還還者豹之介耳於時魯師在鄭從鄭向齊塗出於魯豹必過魯乃去故得宿於庚宗彼傳因言宿於庚宗遂說娶於

國氏生二子耳二子之生必在僑如奔後豹之還魯雖無歸年而襄二年始見於經豎牛已能奉雉故杜以爲此年去彼年歸故下注云傳因言其終

為食於鄭郊師逆以至注聲

伯戒叔孫以必須所逆晉師至乃食聲伯四日不食

以待之食使者注使者豹之介音義

食使音嗣使所吏反注同介音

界下文敢介大國同

而後食注言其忠也音義

而後食一本作聲伯而後食

○諸侯遷于制田注滎陽苑陵縣東有制澤知武子

佐下軍注武子荀罃以諸侯之師侵陳至于鳴鹿注

陳國武平縣西南有鹿邑遂侵蔡未反注侵陳蔡不

書公不與音義

與音預

諸侯遷于潁上戊午鄭子罕宵

軍之宋齊衛皆失軍注將主與軍相失宋衛不書後

也音義

將子匠反

疏

正義曰服虔以失軍為失其軍糧傳稱諸侯遷于潁上子罕宵軍之則軍

諸侯之營不軍其輜重安得為失軍糧也故杜以為將主與軍相失謂夜裏迸散相失耳此諸侯即伐鄭之諸侯也經書公會尹子晉侯齊國佐邾人伐鄭不書宋衛傳言宋衛皆失軍則宋衛在矣在而不書後至故也曹人復請于晉晉侯謂子臧反吾歸而君注以

曹人重子臧故子臧反曹伯歸注子臧自宋還子臧盡致其邑與卿而不出注不出仕○宣伯使告卻曄

曰魯之有季孟猶晉之有欒范也政令於是乎成今
其謀曰晉政多門不可從也注政不由君寧事齊楚
有亡而已蔑從晉矣注蔑無也若欲得志於魯請止
行父而殺之注行父李文子也我斃蔑也注蔑孟獻

子時留守公宮音義

斃婢世反

而事晉蔑有貳矣魯不貳

小國必睦不然歸必叛矣九月晉人執季文子于莒

丘公還待于鄆注鄆魯西邑東郡廩丘縣東有鄆城

音義

廩力甚反

使子叔聲伯請季孫于晉卻曄曰苟去仲

孫蔑而止李孫行父吾與子國親於公室注親魯甚

於晉公室音義

去起呂反下同

對曰僞如之情子必聞之矣

注聞其淫慝情音義

慝吐得反下文同

若去蔑與行父是大

棄魯國而罪寡君也若猶不棄而惠徼周公之福使

寡君得事晉君則夫二人者魯國社稷之臣也若朝

亡之魯必夕亡以魯之密邇仇讐注仇讐謂齊楚音

義

夫音扶疏正義曰朝亡之謂朝失蔑與行父也魯朝如字必夕亡謂亡屬他國也下云亡而為讐言

是欲棄晉

而屬齊楚

亡而為讐治之何及注言魯屬齊楚則還

為晉讐卻讐曰吾為子請邑對曰嬰齊魯之常隸也

注隸賤官音義

為于偽反

敢介大國以求厚焉注介因也

承寡君之命以請注承奉也若得所請吾子之賜多

矣又何求范文子謂欒武子曰季孫於魯相二君矣

注二君宣成音義

相息亮反

妾不衣帛馬不食粟可不謂

忠乎信讒慝而棄忠良若諸侯何子叔嬰齊奉君命

無私注不受卻曄請邑音義

衣於既反食舊如字對上句應作嗣音

謀

國家不貳注謂四日不食以堅事晉圖其身不忘其

君注辭邑不食皆先君而後身若虛其請是棄善人
也子其圖之乃許魯平赦季孫冬十月出叔孫僑如
而盟之僑如奔齊注諸大夫共盟以僑如為戒十二
月季孫及卻犇盟于扈歸刺公子偃注偃與鉏俱為
姜所指而獨殺偃偃與謀音義偃與音預呂叔孫豹于齊
而立之注近此七月聲伯使豹請逆於晉聞魯人將
討僑如豹乃辟其難先奔齊生二子而魯乃召之故
襄二年豹始見經傳於此因言其終音義難乃旦反見賢遍反

○齊聲孟子通僑如注聲孟子齊靈公母宋女使立於高國之間注位比二卿僑如曰不可以再罪奔衛

亦間於卿注傳亦終言僑如之佞音義

間徐音閒廁之間讀者或

如字

○晉侯使卻至獻楚捷于周與單襄公語驟稱其

伐注伐功也疏

正義曰周語稱卻至見召桓公與之語召桓公以告單襄公非卻至自與

襄公語也襄公論卻至將死答召桓公語耳非語諸大夫也其文與此小異其意與此大同周語詳而此傳略先賢或以為國語非丘明所作為其或有與傳不同故也驟稱其伐謂數數自伐其功周語說卻至自伐之言多矣

其辭不可具載

單子語諸大夫曰溫季其亡乎注溫

季郤至音義

語魚疏

正義曰周語單襄公答呂桓公云人有言曰兵在頸者其郤至

之謂乎即具論郤至之失乃曰位於七人之下注佐

以吾觀之兵在其頸不可久也

新軍位在八疏正義曰此時欒書將中軍士燮佐之

荀瑩佐之郤犇將新軍郤至佐之是位在七人之下而求掩其上注稱已之伐

掩上功疏

正義曰周語曰郤至自稱已有大功欲求晉國之舉不失其次吾懼政之未及子也至謂召桓公

曰何次之有先大夫荀伯下軍之佐以為政趙宣子

未有軍行而以為政今欒伯自下軍往是三子也吾

又過之無不及也若佐新軍而以為政不亦可乎將必求之怨之所聚亂之本也多怨而階亂何以在

位注怨為亂階夏書曰怨豈在明不見是圖注逸書

也不見細微也音義

見賢遍反又如字注同

疏

正義曰夏書五子之歌第一章

也其為人所怨者豈必在明白之處乎其於人所不見當於是圖謀之此書之言將謂慎其細小之事者也今乃明明言之道已欲掩其上此事甚明其可乎言必不可也杜不見古文故云逸書將慎其

細也今而明之其可乎注言卻至顯稱已功所以明

怨咎

經十有七年春衛北宮括帥師侵鄭注括成公曾孫音

義

括古活反

夏公會尹子單子晉侯齊侯宋公衛侯曹伯邾人伐鄭
注晉未能服鄭故假天子威周使二卿會之晉為兵主
而猶先尹單尊王命也單伯稱子蓋降爵

六月乙酉同盟于柯陵注柯陵鄭西地音義

柯古河反

秋公至自會注無傳

齊高無咎出奔莒

九月辛丑用郊注無傳九月郊祭非禮明矣書用郊從

史文疏正義曰傳例啟蟄而郊今九月郊祀是非禮明矣公羊傳曰用者何用者不宜用也九月非所

用郊也穀梁傳曰夏之始可以承春以秋之末承春之始蓋不可矣九月用郊用者不宜用也賈逵以二傳為說諸書用者不宜用也釋例曰辛丑用郊文異而丘明不發傳因時史之辭非聖賢意也劉賈以為諸言用皆不宜用反於禮者也施之用郊似若有義至於用幣用鄩子諸若此此皆當須書用以別所用者也若不言用則事敘不明所謂辭窮非聖人故造此用以示義也且諸過祀三望之類奚獨皆不書用邪案左氏傳用幣于社傳曰得禮冉有用子於齊師孔子以為義無不宜用之例也丘明云我師豈欺我哉

晉侯使荀瑩來乞師注無傳將伐鄭

冬公會單子晉侯宋公衛侯曹伯齊人邾人伐鄭注鄭猶未服故也

十有一月公至自伐鄭注無傳

壬申公孫嬰齊卒于狸脰注十一月無壬申日誤也狸

脰關音義

狸力之反
脰市軫反

疏正義曰杜長歷推十一月丁亥朔六日壬辰十六日壬寅二十

六日壬子十日丙申二十二日戊申不知壬申二字何者為誤長歷云公羊穀梁傳及諸儒皆以為十月十五日也十月庚午圍鄭十三日也推至壬申誠在十五日然據傳曰十一月諸侯還自鄭壬申至于狸脰而卒此非十月分明誤在日也又杜於土地之篇凡有地名二十六所不知所在之國狸脰即是其一不知是何國之地故直云關也杜又稱舊說曰壬申十月十五日狸脰魯地也傳曰十月庚午圍鄭則二日未得及魯竟也釋例又曰魯大夫卒其竟內則不書地傳稱季平子行東野卒于房是也以此益明狸脰非魯地矣以下有十二

月丁巳朔逆而推之故諸舊說皆以壬申為十月十五日也公羊穀梁傳以為待公至然後卒大夫故十月之日書在十一月之下於左傳則不通故杜以為日誤

十有二月丁巳朔日有食之注無傳

邾子貜且卒注無傳五同盟音義

貜俱縛反徐居疏正義碧反且子餘反

曰攷且以文十四年即位宣十七年盟于斷道成二年于蜀五年于蟲牢七年于馬陵九年于蒲十五年于戚此年于柯陵凡七同盟而云五者沈以杜數同盟之例但有君盟者不數大夫之盟比二年盟蜀十七年盟柯陵皆邾之大夫故不數之劉炫并數二盟而規其過非也

晉殺其大夫卻錡卻犇卻至

楚人滅舒庸

傳十七年春王正月鄭子駟侵晉虛滑注虛滑晉二

邑滑故滑國為秦所滅時屬晉後屬周音義居反疏

虛起

正義曰僖三十三年秦人滅滑經書入則是滅而不
有不知滅後屬何國也此言侵晉知此時屬晉耳襄
十八年傳楚公子格侵費滑胥靡注云胥靡鄭邑不
言費滑杜意當以費滑為周邑也然則若是周邑當
言侵周以別之定六年傳稱鄭伐周馮滑胥靡爾時
胥靡亦為周邑蓋費滑胥靡周鄭之間襄時屬鄭定
時屬周

衛北宮括救晉侵鄭至于高氏注不書救以侵

告高氏在陽翟縣西南夏五月鄭太子髡頑侯孺為

質於楚注侯孺鄭大夫音義

髡苦門反孺乃侯反質音致

楚公子

成公子寅戌鄭○公會尹武公單襄公及諸侯伐鄭

自戲童至于曲洧注今新汲縣治曲洧城臨洧水音

義

戲許宜反洧于軌反治直吏反

疏正義曰釋例云洧水出滎陽密

平縣入潁

○晉范文子反自鄢陵注前年鄢陵戰還使其

祝宗祈死注祝宗主祭祀祈禱者曰君驕侈而克敵

是天益其疾也難將作矣愛我者惟祝我使我速死

無及於難范氏之福也六月戊辰士燮卒注傳言厲

公無道故賢臣憂懼因禱自裁音義

侈尺氏反又尸氏反難乃旦反

下同祝疏正義曰劉炫以為士燮及昭子之卒適與之反死會非自殺今知非者以傳云使祝宗祈死又云祝我使我速死無及於難是其欲死之意叔孫昭子心懷憂懼亦與此同身皆竝卒故知自我若其二人之卒適與死會春秋之內唯有兩人願死何得身死皆與相當故杜斟酌傳文以為自殺劉以為偶然而死以規杜失非也何休膏肓以為人生有三命有壽命以保度有隨命以督行有遭命以摘暴未聞死可祈也故杜以為因禱自裁也傳記此事者欲見厲公無道賢臣憂懼

○乙酉同盟

于柯陵尋戚之盟也注戚盟在十五年○楚子重救

鄭師于首止諸侯還注畏楚強○齊慶克通于聲孟

子與婦人蒙衣乘輦而入于閼注慶克慶封父蒙衣

亦為婦人服與婦人相冒閼巷門音義與如字徐音

亡報疏正義曰釋宮云宮中街謂之壺街門謂之閼

反孫炎曰街舍間道也李巡曰閼街頭門也

鮑牽見之以告國武子注鮑牽鮑叔牙曾孫武子召

慶克而謂之慶克久不出注慙臥於家夫人所以怪

之而告夫人曰國子謫我注謫譴責也音義謫直革

戰夫人怒國子相靈公以會注會伐鄭音義相息亮

施氏高鮑處守注高無咎鮑牽音義及還將至

閉門而索客注菟索備姦人音義

索所白反注同

孟子訴之

曰高鮑將不納君而立公子角國子知之注角頃公

子音義

頃音傾

秋七月壬寅刖鮑牽而逐高無咎無咎

奔莒莒高弱以廬叛注弱無咎子廬高氏邑音義

刖音月又

五刮反

齊人來召鮑國而立之注國牽之弟文子初鮑

國去鮑氏而來為施孝叔臣施氏卜宰匡句須吉注

卜立家宰音義

句其俱反

施氏之宰有百室之邑與匡句

須邑使為宰以讓鮑國而致邑焉施孝叔曰子實吉

對曰能與忠良吉孰大焉鮑國相施氏忠故齊人取
以為鮑氏後仲尼曰鮑莊子之知不如葵葵猶能衛
其足注葵傾葉向日以蔽其根言鮑牽居亂不能危

行言孫音義

知音智向許亮反本
又作嚮行下孟反

○冬諸侯伐鄭注

前夏未得志故十月庚午圍鄭楚公子申救鄭師于

汝上疏

正義曰釋例云汝水出南陽魯縣大蓋山東
北至河南梁縣東南經襄城潁川汝南至汝

陰襄信
縣入淮

十一月諸侯還注不書圍畏楚救不成圍而

還○初聲伯夢涉洹注洹水出汲郡林慮縣東北至

魏郡長樂縣入清水音義

洹音桓一音恒今土俗音
衣慮力於反樂音洛下樂

同或與已瓊瑰食之注瓊玉瑰珠也食珠玉含象音

義

瓊求營反瑰古回反
含戶暗反本亦作哈

疏

正義曰瓊是玉之美者廣
雅云玫瑰珠也呂靖韻集

云玫瑰火齊珠也含者或用玉或用珠故夢食珠玉
為含象也詩毛傳云瓊瑰石而次玉禮緯天子舍用
珠諸侯用玉大夫用碧此聲伯得有瓊瑰者案周禮
天子舍用玉則禮緯之文未可全依或可珠玉兼有
故釋例云泣而為瓊瑰盈其懷注淚下化為珠玉滿
珠玉曰含

其懷從而歌之曰濟洹之水贈我以瓊瑰歸乎歸乎

瓊瑰盈吾懷乎注從就也夢中為此歌懼不敢占也

還自鄭壬申至于狸脹而占之曰余恐死故不敢占

也今衆繁而從余三年矣無傷也言之之莫而卒注

繁猶多也傳戒數占夢音義

莫音暮數疏正義曰聲所角反伯之意以

初得此夢謂凶在己懼不敢占今衆既繁多而從余三年余之此夢凶災散在衆人不在己也故云無傷

○齊侯使崔杼為大夫使慶克佐之帥師圍盧注討

高弱音義

杼直呂反

國佐從諸侯圍鄭以難請而歸注請

於諸侯音義

難乃旦反下及注同

遂如盧師殺慶克以穀叛注

疾克淫亂故殺之齊侯與之盟于徐闕而復之十二

月盧降使國勝告難于晉待命于清注勝國佐子使

以高氏難告晉齊欲討國佐故留其子於外清陽平

樂平縣是為明年殺國佐傳音義

降下江反疏正義曰欲

難故令待進止之命在
于清地非是使還待命

○晉厲公侈多外嬖注外嬖

愛幸大夫音義

嬖必計反

反自鄢陵欲盡去羣大夫而立

其左右注終如士嬖言音義

反自鄢陵本作自鄢陵去起呂反

胥童

以胥克之廢也怨郤氏注童胥克之子宣八年郤缺

廢胥克而嬖於厲公郤錡奪夷陽五田五亦嬖於厲

公卻犇與長魚矯爭田執而梏之注梏械也音義

居矯

表反梏古毒反械戶戒反

與其父母妻子同一轅注繫之車轅既

矯亦嬖於厲公樂書怨卻至以其不從已而敗楚師

也欲廢之注鄢陵戰樂書欲固壘卻至言楚有六間

以取勝也使楚公子筏告公曰此戰也卻至實召寡

君注鄢陵戰晉囚公子筏以歸以東師之未至也注

齊魯衛之師與軍帥之不具也曰此必敗注荀瑩佐

下軍居守卻犇將新軍乞師故言不具音義

帥所類反守手

又反 吾因奉孫周以事君注孫周晉襄公曾孫悼公君

楚王也疏

正義曰晉世家云悼公周者其先祖父捷晉襄公少子也不得立號為桓叔桓叔生

惠伯談談生悼公周是周為襄公曾孫也

公告樂書書曰其有焉不然豈

其死之不恤而受敵使乎注謂鄢陵戰時楚子問卻

至以弓音義

使所吏反

君盍嘗使諸周而察之注嘗試也

音義

蓋戶臘反使所吏反又如字

卻至聘于周樂書使孫周見之

公使覘之信注覘伺也音義

覘勅廉反伺音司又絲嗣反

遂怨卻

至厲公田與婦人先殺而飲酒後使大夫殺注傳言

厲公無道先婦人而後卿佐卻至奉豕注進之於公

寺人孟張奪之注寺人奄士卻至射而殺之公曰季

子欺余注季子卻至公反以為卻至奪孟張豕音義

射食亦反

厲公將作難胥童曰必先三卻族大多怨去大

族不偏注不偏公室音義

偏彼力反下同

敵多怨有庸注討

多怨者易有功音義

易以豉反

公曰然卻氏聞之卻錡欲

攻公曰雖死君必危卻至曰人所以立信知勇也信

不叛君知不害民勇不作亂失茲三者其誰與我死

而多怨將安用之注言俱死無用多其怨聲音義知

智下同

君實有臣而殺之其謂君何我之有罪吾死後

矣若殺不辜將失其民欲安得乎注言不得安君位

待命而已受君之祿是以聚黨有黨而爭命注爭死

命也罪孰大焉注傳言卻至無反心壬午胥童夷羊

五帥甲八百將攻卻氏注八百人也長魚矯請無用

衆公使清沸黈助之注沸黈亦嬖人音義沸甫味反

抽戈結社注社裳際音義社而甚反徐而偽訟者注

偽與清沸馳訟三郤將謀於榭注榭講武堂疏

正義曰楚

語云榭不過講軍實馬是榭為講武堂傳言將謀於榭似仍未至榭猶在塗也下云殺駒伯苦成叔於其位位所坐之處則已至榭矣三郤慮公殺已謀欲自安未及謀而已死故曰將耳非謂未至榭也或可將謀於榭是未至榭故杜云位所坐處也謂當時隨便所坐之處故長魚矯得偽訟而殺之若已至榭不應就榭偽訟矯以弋殺駒伯苦成叔於其位注位所坐處也

駒伯郤錡苦成叔郤犇音義

處昌慮反

溫季曰逃威也遂

趨注郤至本意欲稟君命而死今矯等不以君命而

來故欲逃凶賊為害故曰威言可畏也或曰威當為

藏矯及諸其車以戈殺之皆尸諸朝注陳其尸於朝

胥童以甲劫樂書中行偃於朝矯曰不殺二子憂必

及君公曰一朝而尸三卿余不忍益也音義如字朝疏

正義曰一朝謂一旦也晉語說此事一旦而尸三卿不可益也對曰人將忍君注人

謂書與偃臣聞亂在外為姦在內為軌御姦以德注

德綏遠音義軌本又作兗音同御魚呂反下同御軌以刑注刑治近

也不施而殺不可謂德臣偪而不討不可謂刑德刑

不立姦軌竝至臣請行遂出奔狄注行去也音義如施

字或式
歧反

公使辭於二子曰注辭謝書與偃也寡人有

討於邵氏邵氏既伏其辜矣大夫無辱其復職位注

胥童刳而執之故云辱也皆再拜稽首曰君討有罪

而免臣於死君之惠也二臣雖死敢忘君德乃皆歸

公使胥童為卿公遊于匠麗氏注匠麗嬖大夫家樂

書中行偃遂執公焉召士勾士勾辭注辭不往也召

韓厥韓厥辭曰昔吾畜於趙氏孟姬之讒吾能違兵

注畜養也違去也韓厥少為趙盾所待養及孟姬之

亂晉將討趙氏而厥去其兵示不與黨言此者明已

無所偏助孟姬亂在八年音義

去起呂反下同少詩照反

古人有

言曰殺老牛莫之敢尸而况君乎二三子不能事君

焉用厥也注尸主也音義

焉於虔反

○舒庸人以楚師之

敗也注敗於鄢陵舒庸東夷國道吳人圍巢伐駕圍

釐虺注巢駕釐虺楚四邑音義

道音導下及注同駕如字一音加釐力之

反虺許鬼反

遂恃吳而不設備楚公子橐師襲舒庸滅之

○閏月乙卯晦樂書中行偃殺胥童注以其劫已故

音義

索他洛反

民不與卻氏胥童道君為亂故皆書曰晉

殺其大夫注厲公以私欲殺三卻而三卻死不以無

罪書書偃以家怨害胥童而胥童受國討文明卻氏

失民胥童道亂宜其為國戮疏

正義曰厲公以私欲殺三卻則三卻無罪

經應直云晉殺其大夫不應稱名也又胥童為樂書

中行偃所殺乃直是兩下相殺今經書二者竝為國

討之文故傳解之言民不與卻氏卻氏有罪也胥童

道君為亂胥童有罪也故皆書曰晉殺其大夫以二

者據其死狀皆非國討故傳正其二者之罪解其竝

為國討之意劉炫云杜言三卻不以無罪書正謂不

書盜書盜即無罪也胥童之死本非國家所殺故特

言胥童受國討文其實傳意并論卻氏受國討故云

皆書曰晉殺其大夫也杜又云卻氏失民胥童道亂乃總釋傳竝言二者皆為國討之意也

經十有八年春王正月晉殺其大夫胥童注傳在前年

經在今春從告

庚申晉弑其君州蒲注不稱臣君無道

齊殺其大夫國佐注國武子也

公如晉

夏楚子鄭伯伐宋宋魚石復入于彭城注傳例曰以惡

入也彭城宋邑今彭城縣音義

復扶又反

公至自晉

晉侯使士匄來聘

秋杞伯來朝

八月邾子來朝

築鹿圃注築牆為鹿苑音義

又圃音

己丑公薨于路寢

冬楚人鄭人侵宋注子重先遣輕軍侵宋故稱人而不

言伐音義

輕遣政反

晉侯使士魴來乞師音義魴音房

十有二月仲孫蔑會晉侯宋公衛侯邾子齊崔杼同盟

于虛打注虛打地闕音義虛起居反打他丁反

丁未葬我君成公

傳十八年春王正月庚申晉欒書中行偃使程滑弑

厲公注程滑晉大夫葬之于翼東門之外以車一乘

注言不以君禮葬諸侯葬車七乘音義乘繩證疏正義反注同

曰周禮大行人上公貳車九乘侯伯七乘子男五乘謂生時副貳之車也其送葬亦當如之今唯一乘是

不以君禮葬也。以晉是侯爵，故指言侯禮七乘耳。諸侯各依命數，不是皆七乘也。襄二十五年，傳齊人葬莊公，下車七乘，杜以特言七乘，明七非舊制。故彼注云：齊舊依上公禮九乘，以齊嘗為侯伯，因而用九。九非侯之正法，故此以正言之。使荀罃士魴逆周子于京師而立之。

注悼公周也，生十四年矣。大夫逆于清原，周子曰：「孤始願不及此，雖及此，豈非天乎？」注言有命也。抑人之求君，使出命也。立而不從，將安用君？二三子用我，今日否亦今日共，而從君神之所福也。注傳言其少有才，所以能自固音義。

少詩照反

對曰：羣臣之願也，敢不唯。

命是聽庚午盟而入注與諸大夫盟館于伯子同氏

注晉大夫家館舍也辛巳朝于武宮注武公曲沃始

命君疏

正義曰服虔本作辛未晉語亦作辛巳孔晁云以辛未盟入國辛巳朝祖廟取其新也案

晉語稱庚午大夫逆于清原傳云庚午盟而入逆日即盟非辛未也傳與晉語皆云辛巳朝于武宮服本自誤耳孔晁強逐不臣者七人注夷羊五之屬也周

欲合之非也

子有兄而無慧不能辨菽麥故不可立注菽大豆也

豆麥殊形易別故以為癡者之候不慧蓋世所謂白

癡音義

菽音叔易以豉反別彼列反癡勑疑反

○齊為慶氏之難注前

年國佐殺慶克音義

為于偽反難乃旦反

故甲申晦齊侯使士

華免以戈殺國佐于內宮之朝注華免齊大夫內宮

夫人宮疏

正義曰杜世族譜於齊國雜人之中有華免而無士字此注以華免為大夫則士者

為士官也官掌刑政故使殺國佐也於夫人之宮有朝羣妾之處故云內宮之朝蓋齊侯召入與語而殺之

師逃于夫人之宮注伏兵內宮恐不勝書曰齊殺

其大夫國佐棄命專殺以穀叛故也注國佐本疾淫

亂殺慶克齊以是討之嫌其罪不及死故傳明言其

三罪使清人殺國勝注勝國佐子前年待命于清者

國弱來奔注弱勝之弟王湫奔萊注湫國佐黨音義

湫子小反徐子
鳥反萊音來

慶封為大夫慶佐為司寇注封佐皆

慶克子既齊侯反國弱使嗣國氏禮也注佐之罪不

及不祀○二月乙酉朔晉悼公即位于朝注朝廟五

日而即位也厲公殺絕故悼公不以嗣子居喪音義

殺音

疏正義曰辛巳距乙酉五日先定所脩之政待
朔旦而後施之故五日也晉語云正月乙酉

公即位孔晁云二月即位言正月者記者誤也厲公
被殺而嗣絕故悼公自外而入即位之日即命百官
施布政教與居喪即位其禮不同釋例曰厲公見殺
悼公自外紹立本非君臣無喪制也若然禮喪服小

記云與諸侯為兄弟者服斬鄭玄云謂卿大夫以下也與尊者為親不敢以輕服服之言諸侯者明雖在異國猶來為三年也計屬是文公之曾孫悼文公之玄孫有總麻之親法當服斬而云無喪制者悼之父祖去晉適周與本親隔絕無往來恩義屬既見殺悼即被迎迎之以為晉君即與屬公體敬且葬屬公以車一乘國內尚不以為君不可責悼公服斬也縱使當為之斬絕而別立亦非嗣矣

始命百官注始為政施舍已責注施恩惠舍勞役止逋責音義

施舍如字一音始

逋布吳反逮鰥寡注患及微音義

鰥古頑反振廢

滯注起舊德匡乏困救災患注匡亦救也禁淫匿薄

賦歛宥罪戾注宥寬也音義

戾他得反飲力驗反節宥音又戾力計反

器用注節省也音義

省所景反下同

時用民注使民以時欲

無犯時注不縱私欲音義

縱本亦作從子用反

使魏相士魴魏

頡趙武為卿注相魏錡子魴士會子頡魏顗子武趙

朔子此四人其父祖皆有勞於晉國音義

相息亮反胡戶結反

顗苦疏

正義曰晉語云使呂宣子佐下軍曰邲之役果反呂錡佐知莊子於下軍獲楚公子穀臣與連

尹襄老以免其子鄢陵之役觀射楚王而敗楚師以定晉國而無後其子不可不崇也使彘共子將新軍

曰武子之季文子之母弟也武子宣法以定晉國文子勤身以定諸侯二子之德其可忘乎故以彘季屏

其宗使令狐文子佐之曰昔克潞之役秦來圖敗晉功魏顗以身退秦于輔氏親止杜回其勲銘于景鍾

至于今不忘其子不可不興也彼言呂宣子魏相也
羣共子士魴也令狐文子魏頤也又曰呂宣子卒公
以趙文子能恤大事使佐新軍趙武父祖功名
顯著故不復序之是四人父祖皆有勞于晉國
荀家

荀會樂廩韓無忌為公族大夫使訓卿之子弟共儉

孝弟注無忌韓厥子音義

孝弟音悌疏正義曰晉語本亦作悌云樂伯請公

族大夫公曰荀家惇慈荀會文敏廩也果敢無忌鎮
靖膏梁之性難正也故使惇惠者教之文敏者道之
果敢者諗之鎮靖者脩之使茲四人者為公族大夫
也公族大夫職掌教誨故使訓卿之子弟令之共儉
孝悌也晉語云韓獻子老使公族穆子受事于朝辭
曰厲公之亂無忌備公族弗能死孔晁云備公族大
夫則韓無忌先為公族大夫今言使使士渥濁為大
為之者悼公始命百官更改新授之

傳使脩范武子之法注渥濁士貞子武子為景公大

傳音義

渥於角反

右行辛為司空使脩士為之法注辛將

右行因以為氏士為獻公司空也音義

行戶郎反為于委反將子

匠反下疏

正義曰僖二十八年晉作三行三十一軍將同即罷之以為五軍其置三行無多年歲彼

云屠擊將右行未知此人即屠擊之子孫也為是其祖代屠擊也正以荀林父將中行遂以中行為氏故謂此人之先將右

弁糾御戎校正屬焉注弁糾樂糾

也校正主馬官音義

弁皮彥反本又作卞同糾居黝反校戶孝反注同

疏正

曰以晉語知是樂糾也周禮大馭御官之長別有戎僕掌御戎車春秋征伐之世以御戎為重此御戎當

是御之尊者校正當周禮校人校人掌主馬之政襄九年傳曰命校正出馬知是主馬之官也周禮校人不屬大御此蓋諸侯兼官或是悼公新使訓諸御知法此傳所言諸官皆不得與周禮同也

義注戎士尚節義也疏

正義曰此訓諸御謂諸是御車之人設令國有十乘乘有

一御皆令此官教之戎士尚節義故訓之使知義如羊斟之徒是不知義也周禮校人主養馬耳不知御

事此言校正屬馬乃云訓御蓋令校正助御戎訓御

荀賓為右司士屬馬注司

士車右之官疏

正義曰周禮司士掌羣臣之版以詔王治其職非車右之類不得屬車右

也周禮有司右士也掌羣右之政凡國之勇力之士能用五兵者屬馬其下更有戎右中大夫齊右下大夫道右上士此三右或官尊於司右而司右掌其政令春秋之世車右為尊此司士蓋周禮司右之類

為車右屬官服虔以為司
士主右之官謂司右也
使訓勇力之士時使注勇

力皆車右也勇力多不順命故訓之以共時之使音

義

共音恭本亦作供下文同

疏

正義曰所訓勇力之士皆謂為車右者也設令國有千乘乘有一右

總使此官訓之勇力之士失於彊暴如魏犢之徒不
順上命故訓之使其時之使不犯法也晉語云君知

士貞子之帥志博聞而宣惠於教也使為大傅知右
行辛之能以數宣物定功也使為司空知樂糾之能

御以和於正也使為戎御知荀賓之有力而不暴也
使為戎右是四人者皆公知其能而使之耳范武子

為大傅孤也士蒞為司空卿也皆前世能者其法可
遵故使二大夫居其官而脩其法也二人皆是大夫

非孤卿也卿無共御立軍尉以攝之注省卿戎御令軍尉

攝御而已音義

省所景反

疏

正義曰卿謂軍之諸將也若梁餘子養御罕夷

解張御卻克之類往前恒有定員掌共卿御今始省其常員唯立軍尉之官臨有軍事使兼攝之令軍尉

兼卿御也

初奚為中軍尉羊舌職佐之魏絳為司馬注魏

單子也張老為候奄鐸遏寇為上軍尉籍偃為之司

馬注偃籍談父為上軍司馬音義

緯待洛反過於葛反徐音謁

使

訓卒乘親以聽命注相親以聽上命音義

卒子忽反乘繩證反

下及注

程鄭為乘馬御六駟屬馬使訓羣駟知禮注

皆同程鄭荀氏別族乘馬御乘車之僕也六駟六閑之駟

周禮諸侯有六閑馬乘車尚禮容故訓羣駟使知禮

音義

駟側留反

疏

正義曰晉語云公知祁奚之果而不淫也使為元尉知羊舌職之聰敏肅給也

使佐之知魏絳之勇而不亂也使為元司馬知張老之知而不詐也使為元候知鐸遏寇之共敬而信彊也使為輿尉知籍偃之惇帥舊職而共給也使為輿司馬知程鄭為端而不淫且好諫而不隱也使為贊僕晉語皆稱其才而用之善公之知人也言元尉元司馬元候者此皆中軍之官元大也中軍尊故稱大也輿尉與司馬者皆上軍官也輿衆也官與諸軍同故稱衆也從車者為卒在車者為乘使此中軍與上軍軍尉司馬各教其軍之士卒使相親以聽在上之命注正義曰荀氏別族世本有文周禮齊僕下大夫掌馭金路以賓朝覲宗遇饗食皆乘金路杜言乘馬御乘車之僕則當彼齊僕也晉語謂之贊僕當時之

官名耳周禮掌駕之官無名騶者襄二十三年傳稱豐點為孟氏之御騶則騶亦御之類月令季秋天子乃教田獵命僕夫七騶咸駕載旌旗則騶是主駕之官也鄭玄云七騶謂趣馬主為諸官駕說者也周禮趣馬下士掌駕說之須是騶為主駕之官駕車以共御者程鄭為乘馬御御之貴者故令掌駕之官亦屬之校人職云良馬三乘為皐皐一趣馬趣馬下士三皐為繫繫一馭夫馭夫中士六繫為殿殿一僕夫僕夫上士天子十有二閑邦國六閑鄭玄云每廐為一閑閑有二百一十六匹如彼計之每廐有趣馬十八人六閑之騶有一百八人皆屬程鄭而使總領之也戎車責彊力乘車尚禮容故訓羣騶使知禮令教馬進退使合禮法也校人乘馬一師四圉三乘為皐皐一趣馬三皐為繫繫一馭夫六繫為殿殿一僕夫六廐成校校有左右天子十二閑馬六種邦國六閑馬四種家四閑馬二種鄭玄云每廐為一閑二百一十

六匹易乾為馬此應乾之策也校有左右則天子良馬五種各有四百三十二匹合二千一百六十匹駕馬三之四百三十二匹則千二百九十六匹合三千四百五十六匹詩云駉牝三千舉大數也玉路駕種馬戎路駕戎馬金路駕齊馬象路駕道馬田路駕田馬駕馬給宮中之役邦國六閑四種去種戎其齊道田各用一閑駕馬三之則千二百九十六匹大夫四閑二種去齊道田馬一閑駕馬三之則八百六十四匹四匹一師也十二匹一趣馬也三十六匹一馭夫也二百一十六匹一僕夫也

凡六官之

長皆民譽也注大國三卿晉時蓋六卿為軍帥故總

舉六官則知羣官無非其人音義

長丁丈反帥所類反下之帥為帥皆

同疏正義曰上已歷言諸官特為公所知者更復總也疏言所任皆得其人於時晉立六卿卿名下各有

統領羣官非一凡六官之在民上為長者皆是有德有能之人是民所褒譽者也使魏相以下至程鄭為乘馬御以上凡有八條之官魏相等為卿一也荀家等為公族大夫二也士渥濁為大傅三也右行辛為司空四也升糾為御戎五也荀賓為右六也祁奚為中軍尉至籍偃為司馬七也程鄭為乘馬御八也自公族大夫以下七條各云使為某事而卿下不云使者以卿總攝羣職非偏主一事故也公族大傅司空不云某官屬馬者以其當官自主更無餘官來屬其祁奚為中軍尉及羊舌職張老魏絳鐸過寇籍偃雖是數官總為一條使訓卒乘親以聽命此唯有中軍上軍無下軍之官者蓋時下軍無闕不別立其官故也其卿無共御立軍尉以攝之一句為下祁奚為中軍尉緒緒也大略所叙皆尊官在前卑官在後注正義曰大國三卿是正法當時晉置六卿為三軍之將佐皆是帥也於是晉又更置新軍凡有四軍八卿但

新軍或置或廢故傳不數之耳六官之長非獨卿身
乃謂其下凡為人之長者皆有民之美譽故總舉六
官則知羣官無非其人者也

舉不失職官不易方注官守其業無

相踰易疏

正義曰所舉用者皆堪其官不有失職者
也文任文官武任武官其用為官各守其

業不踰易其方也若文人為武武人
為文則違方易務不能守其職矣

爵不踰德注量

德授爵師不陵正旅不偪師注正軍將命卿也師二

千五百人之帥也旅五百人之帥也言上下有禮不

相陵偪疏

正義曰傳言不陵不偪者皆謂下不陵偪
其上旅卑於師師卑於正知正是軍將命

卿也唯舉師旅不相陵偪言
上下有禮皆不相陵偪也

民無謗言所以復霸也

注此以上通言悼公所行未必皆在即位之年音義

復扶又反下及注復疏正義曰霸者把也把持王政霸皆同上時掌反鄭玄云天子衰諸侯興故曰

霸夏有昆吾商有豕韋大彭周有齊桓晉文此最彊者也故書傳通謂彼五人為五霸耳但霸是彊國為之天子既衰諸侯無主若有彊者即營霸業其數無定限也而何休以霸不過五不許悼公為霸以鄉曲之學足以忿人傳稱文襄之霸襄承文後○公如晉紹繼其業以後漸弱至悼乃彊故云復霸

朝嗣君也○夏六月鄭伯侵宋及曹門外注曹門宋

城門也遂會楚子伐宋取朝郟楚子辛鄭皇辰侵城

郟取幽丘同伐彭城注朝郟城郟幽丘皆宋邑音義

取朝如字鄭古洽反部古報反納宋魚石向為人鱗朱向帶魚府馬

注五子以十五年出奔楚獨書魚石為師告以三百

乘戍之而還書曰復入注惡其依阻大國以兵威還

故書復今音義

乘繩證反惡烏路反

凡去其國國逆而立之曰

入注謂本無位紹繼而立復其位曰復歸注亦國逆

音義

復歸音服一音扶又反

諸侯納之曰歸注謂諸侯以言語

告請而納之有位無位皆曰歸以惡曰復入注謂身

為戎首稱兵入伐害國殄民者也此四條所以明外

內之援辨逆順之辭通君臣取國有家之大例音義

以惡本或作以疏正義曰釋例曰凡去其國者通謂惡入曰復入君臣及公子母弟也國逆而立之

本無位則稱入本有位則稱復歸齊小白入于齊無位也衛侯鄭復歸于衛復其位也諸侯納之有位無

位皆曰歸衛孫林父蔡季是也身為戎首則曰復入晉欒盈是也此所以明外內之援辨逆順之辭故經

正魚石衛衍以表舊制傳稱凡例總而明之也衛人逆公子晉于邢宜稱入善其得衆公子友忠於社稷

國人所思焉故閔公為落姑之盟以復之夫衛公子晉絕位而在邢魯之季子勢弱而出奔咸得民望享

國有家是以聖人貴之殊其文也莊六年五國諸侯犯逆王命以納衛朔大其事故字王人謂之子突朔

懼有逆衆之犯而以國逆告華元實國逆欲挾晉以自助故以外納赴春秋從而書之以示二子之情也

韓魏有耦國之彊陳蔡有復國之端故晉趙鞅楚公
子比皆稱歸從諸侯納之例言非晉楚之所能制也
侯孺愛君以請故曹伯有國逆之辭許始復國故許
叔有國逆之文此皆時史因周典以起時事之情也
傳例稱諸侯納之曰歸今檢經諸稱納者皆有與師
見納之事不須例而自明故但言納而不復言歸也
衛侯鄭曹伯負芻皆見執在周晉魯請而復之鄭書
歸于衛負芻稱歸自京師所發事同而文異者例意
本在于歸不以他文為義也賈氏又以為諸歸國稱
所自之國所自之國有力也案楚公子比去晉而不
逆是無援於外而經書自晉陳侯吳蔡侯廬皆平王
所封可謂有力而不言自楚此既明證又春秋稱入
其例有二施於師旅則曰不地在於歸復則曰國逆
又以立為例逆而不立則皆非例所入鄭之良霄以
寇而入入即見殺而復例之例稱凡去其國明非天
子之制也周敬王王子猛不書出而書入襄王書出

而不書入凡自周無出故非春秋舊例也諸在例外
稱入直是自外入內記事者常辭義無所取而賈氏
雖夫人姜氏之入皆以為例如此甚多又依放穀梁
云稱納者內難之辭因附會諸納為義至於納北燕
伯于陽傳稱因其眾窮不能通乃云時陽守距難故
稱納此又無證經書楚人圍陳納頓子于頓則頓國
之所欲也北燕伯傳有因眾之丈不可言內難也又
書納公孫寧儀行父于陳陳縣而見復上下交驩二
人雖有淫縱之關今道楚匡陳賊討君葬威權方盛
傳稱有禮理無有難此皆先說之不安也沈氏云國
逆而立之曰入唯謂國君知不兼臣者以臣而無位
本賤不書故知臣無國逆之例也其復入唯謂臣知
者以君雖不君臣不可不臣君若入國臣無違拒之
法且杜云身為戎首稱兵入伐是戎首指臣為文故
知不得兼君也杜所以云四條通君臣取國有家之
大例即是事通君臣者此據大略而言不復曲細為

也別宋人患之西鉏吾曰何也注西鉏吾宋大夫音義

鉏仕居反徐在居反吾音魚西鉏吾人名也

若楚人與吾同惡以德於我

吾固事之也不敢貳矣注惡謂魚石大國無厭鄙我

猶憾注言已事之則以我為鄙邑猶恨不足此吾患

也音義

厭於鹽反憾戶暗反

不然而收吾憎使贊其政注謂不

同惡魚石而用之使佐政以間吾釁亦吾患也今將

崇諸侯之姦而披其地注崇長也謂楚今取彭城以

封魚石披猶分也音義

間如字又間廁之間釁許靳反披普彼反注同長丁丈反

疏正義曰不然謂不與吾同惡也而收取吾之所憎謂魚石是也使佐其楚國之政以伺間吾之釁隙而侵伐我如此則亦是吾之所患若以塞夷庚注夷晉用楚材皆為楚國之患焉是也

庚吳晉往來之要道楚封魚石于彭城欲以絕吳晉

之道疏

正義曰夷平也詩序云由庚萬物得由其道是以庚為道也此云以塞夷庚下云而懼吳

晉知謂塞吳晉往來之要道也吳晉往來路由彭城楚取彭城以封魚石欲以斷絕吳晉往來之道使其不得往來故吳晉所以懼耳若其不然何以獨云懼吳晉也夷庚止謂吳晉往來之平道耳非山川險難之名故杜土地名逞姦而攜服毒諸侯而懼吳晉注不得指其所在

隔吳晉之道故懼攜離也疏

正義曰逞快也封魚石為快姦人也攜離也諸

侯見楚助賊服從者其心
皆離是離其服從者之心吾庸多矣非吾憂也且事

晉何為晉必恤之注言宋常事晉何為顧有此患難

音義難乃旦反○公至自晉晉范宣子來聘且拜朝也注

拜謝公朝君子謂晉於是乎有禮注有卑讓之禮也

○秋杞桓公來朝勞公且問晉故公以晉君語之注

語其德政音義勞力報反語魚據反注同杞伯於是驟朝于晉而

請為昏注為平公不徹樂張本疏正義曰詩云載驟駸駸驟是疾行之

名從魯即疾朝于晉也○七月宋老佐華喜圍彭城老佐卒焉

注言所以不克彭城○八月邾宣公來朝即位而來

見也音義

見賢遍反

○築鹿囿書不時也注非土功時○

己丑公薨于路寢言道也注在路寢得君薨之道疏

正義曰喪大記云君夫人卒於路寢是在路寢得君薨之道也

○冬十一月楚子重

救彭城伐宋注使偏師與鄭人侵宋子重為後鎮宋

華元如晉告急韓獻子為政注於是樂書卒韓厥代

將中軍曰欲求得人必先勤之注勤恤其急成霸安

彊自宋始矣疏

正義曰謂文公成霸安彊自宋為始言今宋有患不可不救也晉侯

師于台谷以救宋注台谷地關音義
台勅才反遇楚

一音臺

師于靡角之谷楚師還注畏晉強也靡角宋地○晉

士魴來乞師注將救宋也季文子問師數於臧武仲

注武仲宣叔之子對曰伐鄭之役知伯實來下軍之

佐也注知伯荀罃今彘季亦佐下軍注彘季士魴音

義彘直如伐鄭可也注伐鄭在十七年事大國無失

例反

班爵而加敬焉禮也從之注從武仲言○十二月孟

獻子會于虛打謀救宋也宋人辭諸侯而請師以圍

彭城注不敢煩諸侯故但請其師為襄元年圖彭城

傳孟獻子請于諸侯而先歸會葬○丁未葬我君成

公書順也注薨于路寢五月而葬國家安靜世適承

嗣故曰書順也音義

適丁疏正義曰自此以前莊宣

留書葬矣今於此公薨之下言道也於葬之下言書

順也獨發傳者隱桓閔皆為人所殺僖公薨于小寢

文公薨于臺下皆其薨不得道也莊宣雖薨于路寢

莊則子般見殺宣則歸父出奔家國不安非是得道

順禮唯成公耳故傳於此發之釋例曰魯君薨葬多

不順制唯成公薨于路寢五月而葬國家安靜世適

承嗣故傳見莊之緩舉

成書順以包之是也

春秋左傳注疏卷二十八

春秋左氏傳注疏卷二十八考證

雨木冰注記寒過節○

臣召南

按漢書五行志曰劉歆

以為上陽施不下通下陰施不上達故雨而木為之
冰零氣寒木不曲直也

傳鄭子罕伐宋注滕宋之與國鄭因滕有喪而伐宋故
傳舉滕侯卒○趙汴補注曰傳欲見滕子謚下偶連
鄭伐宋事杜注云云贅甚矣按滕子卒及鄭侵宋經
各為一事杜注牽合非也

傳韓厥將下軍卻至佐新軍荀瑩居守注於是卻單代

趙旃將新軍新上下軍罷矣○臣浩按三軍及新軍

將佐八人是為八卿臣召南按十三年晉及秦戰於

麻隊將佐八人樂書荀庚士燮卻錡韓厥荀瑩為三

軍將佐趙旃將新軍卻至佐之似新上下二軍已罷

不始于是年鄢陵之戰也

傳邲之師荀伯不復從○顧炎武曰知錄曰杜注林父

奔走不復故道非也謂不復從事于楚

傳塞井夷竈陳於軍中而疏行首○林堯叟曰軍屯必
鑿井結竈以自給今為楚壓晉軍戰地迫狹故自塞
其井自平其竈以為戰地楚壓晉軍不可出陳故結
陣於晉之軍中

傳楚之良在其中軍王族而已○臣召南按前後文皆

作王卒疑此文亦當作王卒但襄二十六年傳聲子
述苗賁皇之言亦作王族尋文考義王卒則應比他
卒良不應王族竝能良也且古本若係王族杜必有

注今無之恐本是王卒後人因一處誤作王族遂兩處均改而從訛也

傳寡君乏使使鍼御持矛注御侍也○林堯叟曰車右主擊刺持矛其職也故云使鍼侍君而持矛

傳王聞之召子反謀疏子反之為人也嗜酒句甘而不能絕於口句醉句戰既罷句○臣浩按呂覽作不能絕於口以醉似較明晰

傳吾因奉孫周以事君○趙汾補注曰晉自驪姬之譖

不畜羣公子故周在周事單襄公

傳晉樂書中行偃使程滑弑厲公○萬斯大學春秋隨
筆曰樂書中行偃弑君而書國弑者書偃既弑其君
復威制國人使不敢以名告也赴不以名春秋安得
而書之

傳逐不臣者七人注夷羊五之屬也○臣召南按此時

不臣孰有過於樂書中行偃者乎悼公不此之戮而
逐夷羊五等所謂行事適機宜耳又按程滑當必在

七人之數

傳右行辛為司空注辛將右行因以為氏○臣呂南
注文似有殘缺當云辛之先將右行因以為氏

春秋左氏傳注疏卷二十八考證